


CIMELIA

0

1342

1342





Nabyto za pośrednictwem Biblioteki
fund. W. Baranowskiego we Lwowie
i oprawiono w r. 1937.



1342

CIMELIA





FRAGMENTA

Duorum scriptorum

FAUSTI SOCINI SENENSIS,

In quorum priore sententiam eorum, qui IESUM CHRISTUM DEI filium unum illum & altissimum DEUM esse, vel saltem antequam ex Maria nasceretur, re ipsa extitisse affirmant, argumentis allatis refellere; in posteriore ad rationes adversariorum, quibus tres in unica Dei essentia personas adstruere conantur, respondere instituerat.



RACOVIAE,

Typis Sebastiani Sternacii,

Anno 1619.

Cim O. 1372

Bibl. Jagl.

INITIUM SCRIPTI FAUSTI SOCINI

Senensis, in quo sententiam eorum, qui Iesum Christum Dei filium, unum illum & altissimum Deum esse, vel saltem antequam ex Maria nasceretur, re ipsa extitisse affirmant, argumentis allatis refellere instituerat.

SCRIPSIMVS ante annos non paucos, amicorum hortatu, per breuem expositionem sententiae nostrae in Iohannis evangelii principio interpretando, quam, quum non tantum nostrae aetate, sed etiam multis ante seculis inauditam sciremus, nostrum nomen supprimentes, aliorum de eadem iudicium cognoscere decrevimus, antequam plura ad eam confirmandam scriberemus, amicus, quando illis ita videbatur, scriptum nostrum in lucem emittendi curam omnem permittentes. Dum interea stulemus, ecce Dei optimi maximi summa atque inefabili benignitate effectum audimus, ut illa eadem sententia nostra a quam plurimis, qui vel ex scripto illo edocti fuerant, vel aliunde eam hauserant, veritatis vi impulsis, & recepta, & approbata fuerit. Quin & integras ferme ecclesias postmodum ei subscripsisse ipse cognosco, & nobilissimas disputationes cum illis, quorum mentibus tam salutarum divinarum rerum scientiae radius nondum affulsit, summis principibus non modo annuentibus, sed presentibus quoque institutis habitisque comperio. Secuta sunt undecum interpretatione illa nostra, ipsarum disputationum, atque eiusdem argumenti librorum editiones,

in quibus licet abunde satis & veritas explicata, & ab adversariorum impugnationibus defensa videatur, ad eam tamen & clariùs adhuc patefaciendam, & validiùs propugnandam non parum adjumenti nos afferre posse, Deo bene juvante, confidimus. Quocirca non ampliùs silendum censui, sed tum quæ a nostris vel omissa, vel leviùs pertractata, tum quæ ab adversariis allata non adeò plenè, sive etiam minùs rectè confutata videbantur, illa quidem in medium proferre & latiùs exponere, hæc verò ea via & ratione, qua opus est, resellere constitui. Itaque de Iesu Christo Dei filio, de quo nobis omnìs instituendus est sermo, duos mihi libros conscribendos putavi. quorum primus rationes, & præcipua testimonia e sacrùs literis petita, contineat, quibus manifestum fiat, non esse eum Iehovam unicum Deum nostrum, neque vel ipsum, vel ipsius naturam aliquam, verè, seu, ut loquuntur, hypostatice existisse, antequam ù ex Maria ejus matre nasceretur: in altero ad ea, quæ hanc solidissimam veritatem magis concutere, vel etiam labefactare alicui fortassis prima facie videri possent, diluenda me convertam. Nomen autem meum, quando in hanc arenam adversus nobilissimos antagonistas descendendum erat, adhuc reticere fraudi & vitio mihi datum iri sum subveritus. Veruntamen, ut unicuique sua constet laus, iiq; in Ecclesia perpetuò agnoscantur, quos Deus donis suis præclarissimis, sueq; veritati præstantissima cognitione dignatus est, me & sententiam illam in Iohannù Evangelistæ verbis explicandis, & quæ ad eam

asserendam vel jam dixi, vel posthac dicturus sum, magna ex parte ex Lelio Socini Senensis sermonibus, dum adhuc viveret, & post ejus mortem ex aliquibus ipsius scriptis, quae in manus meas non absq; mirabili Dei opera atque consilio pervenerunt, & hausisse & desumpsisse, non minus libenter quam ingenuè fateor. De quo viro multa mihi dicenda forent, ut & incomparabilis amici memoriam posteritati commendarem, & unicum fortassis hac aetate nostra, cum morum integritatis vitæq; innocentiae, tum verò maximè sacrarum litterarum peritiæ, divinorumq; oraculorum intelligentiæ exemplar omnibus proponerem. Satiùs tamen duxi ea in illud tempus reservare, cum Deo volente tanti viri famam a quorundam maledictis nominatim asseram. Illud unum oblata occasione de eo dixisse in præsentia sat fuerit, tantum absuisse, ut is in religione nihil certi haberit, quemadmodum aliqui constanter affirmant, ut nemo umquam exactiùs, de omnibus Christianæ religionis dogmatibus, vel senserit, vel cum opportunum ei videbatur, locutus fuerit. Verùm cum præter pauca quedam, ea videlicet, quæ ad salutem sunt prorsus necessaria, nihil ferè in ecclesiis, quæ Romanum Antichristum execrantur, post tantas tamq; diturnas tenebras, suæ pristinae claritati restitutum videret, nolebat ille sententiam suam, nisi in levioribus quibusdam controversiis, omnibus aperire, ne turbarentur Ecclesie, & infirmi, quorum maximam semper habuit rationem, offenderentur, & a vero Dei cultu ad idola fortasse iterum adducerentur, ne-

ne tandem divina veritas ab eo predicata, qui neque
pastoris neque doctoris officio in ecclesia fungeretur,
 ob auctoris non magnam auctoritatem, magno christi-
 aniani orbis detrimento, passim rejiceretur, ac pro-
 ptemodum conculcicaretur. praesertim cum apud ali-
 quas ecclesias eam opinionem, eumq; morem jam in-
 valuisse cerneret, ut execrabiles haberentur qui-
 cumque adversus receptas sententias vel mutare qui-
 dem ausi essent. Praestare igitur arbitrabatur, dubia
 & questiones illustribus in ecclesia viris identidem
 proponere, ut ea ratione paulatim via ad veritatem
 sterneretur, addubitantibus illis interdum ob argu-
 menta ab eo allata de inveteratarum opinionum fir-
 mitate, easq; non amplius populo tamquam christia-
 nae religionis axioma, a obrudentibus, quod tamen,
 ut omnem offensionem vitaret, addiscendi tantum
 studio a se fieri dicebat, (qua tamen ratione ab ini-
 tio idem verè ab eo factum fuisse verisimile est) qua-
 re etiam discipulum semper se, numquam autem
 doctorem profitebatur. Hoc tamen suum institu-
 tum amicis non usque ad eod probari sentiebat, quibus-
 dam obsequi recusat, non sine Dei consilio vir sum-
 mus immatura morte sublatu est, quod mox pate-
 fieri capit, cum statim serè post mortem ejus, eorum,
 quae ipse palam docere non audebat, pars aliqua &
 litteris consignari, & passim divulgari est capta, id
 quod eo vivente numquam fortasse contigisset, ami-
 cis ex iis, quae ipse scripserat, quod apud eum late-
 rent, non adhuc plenè edoctis, & adversus praepro-
 priam voluntatem, aliquid eorum, quae ab ipso didice-
 rant.

rant, in vulgus prodere minimè audentibus. Hac scilicet ratione Deus, qua illi uni patefecerat, omnibus manifesta esse voluit, ut ignorantie tenebris penitus discussis incipiat tandem christianus populus eam ex animo fidere, debitamq; obedientiam prestare, exteri verò ad ejus veram & salutarem per Iesum Christum cognitionem faciliùs pertrahi possint. Faxit ille, ut quemadmodum vanissima hac hominum commenta, de ipsius Christiq; ejus natura & substantia, jam eo majestatem & gloriam suam vindicante, detegi ac derideri ceperunt, ita quàm plurima alia humani ingenii adinventata, quæ procul dubio evangelii cursum, id eo ob scelera nostra permittente, impediunt, ex dilectissimi filii sui ecclesia oris sui spiritu expellantur, & clarissima purissimaq; divina veritatis luce omnes aliquando collustrentur. Sed jam ad institutum nostrum accedamus.

Cum igitur id, quod nobis priore hoc libro probandum proposuimus, duas partes habeat, de priore primùm, deinde de altera agamus. Si Iesus Christus Dei filius servator noster, esset ille Iehova unicus Israelitarum & Christianorum deus, manifestè, ut omnes fatentur, consequeretur, Deum hominem fuisse factum, quod, quum ab humana ratione penitus abhorreat, id quidem disertis verbis, ut ita esse credamus, oporteret, & non in uno tantùm, sed in quàm plurimis sacrarum litterarum locis scriptum extare, quod in omnibus, quæ paullulum modò ad credendum difficilia sunt, factum fuisse conspiciamus. Etenim & caliterraq; divina creatio, & humana-

rum rerum absoluta Dei cura & providentia, & mortuorum resurrectio, & vita aeterna hominibus Christo fidentibus danda, & si qua sunt hujusmodi, vel aliquantò etiam leviora, quae nos credere vel necesse sit, vel saltem expediat, ea & saepius repetita, & clarissimis verbis in divinis oraculis exposita sunt. Atqui non solum id, ut jam dictum est, humanae rationi planè adversatur, verum etiam, si modò fieri contigisset, ad salutem consequendam nobis cognitu esset prorsus necessarium, id quod adversariorum confessione probatur, qui nos, quoniam factum esse negamus, & impios & blasphemos, & Mahumetistas appellant, & omni graviore supplicio dignos censent, tum ipsa ratione sit manifestum. Nam fieri non posset, ut in nostra salutis mysterio, aeternus ipse & immortalis Deus, omnium creator & dominus se usque eò demississet, ut & humanas calamitates, & mortem ipsam, eamq; acerbissimam, subire voluisset, ni hac via nos servare destinasset, & propterea id nos scire omnino constituisset, ut & illi debitas gratias de tam admirabili benignitate perpetuò ageremus, & viam salutis nostrae certam tenere possemus. At verò tantùm abest, ut stupenda isthac Dei metamorphosis a sacris auctoribus identidem nobis aperte praedicata fuerit, ut ne uno quidem loco obscure saltem significata deprehendatur. quò fit, ut ejus assertores, non claris divinarum litterarum testimoniis, immo ne testimoniis quidem ullis, sed potiùs meris quibusdam consecutionibus sententiam suam adstruere conentur, quae quantum ponderi habeant,

post-

poſtmodum, Deo favente, videbimus.

Deſcribunt Lucas & Matthæus, præſertim vero Lucas, exactè admodum nativitatẽ Domini noſtri Jeſu Chriſti, at Matthæus, cum illa verba præmiſiſſet, Jeſu verò Chriſti nativitas talis erat, nihil antiquius vel excellentius, quod ad illam attinet, de eo narrat, quàm Mariam ejus matrem, priuſquam ipſa & Joſephus vir ejus conveniſſent, inventam fuiſſe gravidam e ſpiritu ſancto. Lucas autem, qui paullo altiùs rem repetit, & diligentiffimè in ea verſatur, ab eadem ſpiritus ſancti virtute initium hujus nativitatis & ortus ſumit, dicente apud eum Gabriele angelo Maria, Spiritus ſanctus ſuperveniet in te, & virtus altiffimi obumbrabit tibi, ideòque quod nãſcetur ſanctum, vocabitur filius Dei, cujus loci penſitationem quandam Tertulliani, propterea quoddammodo in Græco pro Ideoq; habeatur *διὸ ἔτι*, non autem ſimpliciter *διὸ*, quam & offert, & probat unus ex adverſariis noſtris, prorsus indoctam, & tanto viro penitus indignam eſſe, ſuo loco oſtendemus. Certè ſi uſquam aliquid clarè & expreſſè de Deo homine factò, qui Jeſus Chriſtus ſit, dictum fuiſſet, id hiſ duobus locis ſcriptum legeretur, ubi expreſſè ea de re agitur, in qua & per quam hoc plus quàm divinum myſterium peractum fuiſſe volunt, hoc eſt, de ipſa Chriſti Jeſu conceptione in virginis utero. Eſenim quemadmodum de admirabili hac divina operatione, totius nature limites exſuperante, aperta ſit mentio: ita de hypſtatica illa (quam vocant) Dei cum carne aſumpta unione meminiffe de-

cap. i. v. 18.

cap. i. v. 35.

buerant hi Evangeliste, idque adeò disertè, ut & nemo in futurum de ea ambigere posset, & Iesu Christi nativitas, ad quam peragendam unio hac, tamquam formalis & præcipua causa, concurrere creditur, imperfectè proorsus ab illi tradita non videretur, alioqui vel unicam salutis nostræ viam nobis invidisse, vel tanti mysterii se ignaros fuisse, ipsimet non obscure declarassent. Verumq; autem quum longè absurdissimum sit, intelligi facile potest, nusquam huiusce rei apertam in sacris literis mentionem factam esse, & propterea totam istam dei, ut ita dicam, humanationem, merum humani ingenii fuisse commentum. Et quoniam in nostro hoc uno argumento maxima vis inesse videtur ad omnes adversariorum machinas devoliendas, latius adhuc illud prosequamur. Igitur ex quatuor Evangelistis duo, qui etiam Iesu Christi filii Dei nativitatem, & in matris utero conceptionem diligenter nobis exponunt, nihil penitus de deo in ea seuper eam homine factò tradiderunt, ex duobus autem reliquis, alter quidem in tota historia omnino hac de re tacet, alter verò manifestè, minimeq; dubiis verbis eam certè non docet, quamvis adversarii eum partem hanc ab aliis omissam, post aliquot annos, quasi Iesu Christi historiam supplementem, addidisse affirmare non erubescant. Itane verò? Tres viri præstantissimi, divino etiam, ut credere par est, spiritu impellente, quorum unus ex duodecim Apostolorum numero fuit, alii Petro & Paulo apostolis dictantibus seu approbantibus id fecisse creduntur, filii Dei salutarem hi-
 storiam

*storiā conscribere aggressi fuerint & eam partem
 intactam reliquerint, sine qua nihil vera salutis in-
 de nobis manare possit, idq̄, quod totius historiae tam-
 quam caput & fundamentum est, silentio praterie-
 rint? Quid quaeso vel indignius, vel etiam detestabili-
 us aut dici, aut excogitari potuit? At quartus saltem,
 qui postmodum errorem tam noxium quasi emenda-
 turus successerit, nullum in ea re dubitationi locum
 relinquere debuerat. Id verò non modò non fecit, sed
 quàm plurima in sua historia recensuit, quae contra-
 riam sententiam confirmare credantur, de quibus
 inferius dicendum erit. Cateri verò novae sacrae pagi-
 nae auctores, & Iesu Christi apostoli & legati, quo-
 rum acta post Domini sui in caelum ascensionem,
 permultasq̄ ad populum & gentes edocendum, &
 ad salutis viam convertendum habitas orationes, se-
 parato opere unus ex iisdem quatuor evangelistis lu-
 culenter enarrat, tot tantisq̄ occasionibus sibi obla-
 tis, immo potius rem uti erat edisserendi necessitati-
 bus, mirum, quàm non solùm de hac re ne hiscere
 quidem deprehendantur, sed etiam ab ea longè di-
 versa, & planè dissentientia doceant & inculcent.
 Legat quivis Petri ad populum binas conciones, ejus-
 dem vel solius, vel unà cum ceteris apostolis ad prin-
 cipes populi, & seniores habitos de Iesu Christo ser-
 mones, ejusdem item ad Cornelium centurionem &
 ejus comites evangelii & salutis nostrae explicatio-
 nem, Pauli in Antiochensi Pisidiana synagoga ad
 Iudaos exhortationem, Athenis in Areopago con-
 cionem, & Caesarea coram Agrippa rege & Festo
 praeside*

Act: 2, & 31
 4, & 56

cap: 10.

cap: 13.
 & 17.

cap: 26.

praeside adversus Iudeos defensionem, & fidei suae
 professionem, nihil profecto de Iesu Christo majus
 aut sublimius dictum inveniet. quam illum a Deo pa-
 tre suo Dominum & Christum fuisse factum, & li-
 cet a Iudeis ultimo eorum detestabili supplicio affe-
 ctum, ab ipso tamen immortalis vitae restitutum, &
 in caelis ad dexteram suam collocatum, vivorum &
 mortuorum judicem esse constitutum. Hos autem lo-
 cos postea aliquantò diligentius expendemus. Nunc
 illud tantummodo annotare libet, quod nulla um-
 quam commodior occasio hujusce admirabilis & pae-
 nitus abstruse, ut hoc vocabulo utar, theanthropo-
pociae patefaciendae data alicui fuit, quam ea, quam
 Paulus ipse ad evangelium predicandum Athenis
 arripuit, ignoti videlicet Dei, cui ara in ea civitate
 dicata exstabat, declaratio. Poterat enim Paulus,
 immo debuerat, ignotum illum Deum Iesum Chri-
 stum esse, quem ipse predicabat, asserere, qui caeli
 terraeque conditor, & omnium bonorum primus auctor,
 sub humana illa forma, ut eo pacto mortalium aeter-
 nam salutem procuraret, quasi delitesceret, & ad
 tempus mundo ignotus esse voluisset. Atqui tantum
 abest, ut istud eo loco faciat, ut apertissime ignotum
 illum Atheniensibus Deum, omnium creatorem ac
 moderatorem, adeò a Iesu Christo, quod ad naturam
 & substantiam attinet, separet atque disiungat, ut
 Iesum ipsum non nisi virum appellaverit, ab illo Deo
 a mortuis suscitatum, & mundi judicem decretum
 & declaratum. & tamen non est Paulus, qui ab ipso
 Iesu Christo nominatum ad hoc delectus fuerit, ut
 portaret

Act: 17. v. 23.

Act: 9. v. 15.

portaret nomen suum coram gentibus & regibus, & filiis Israelis. Quid, quod idem Apostolus, & alii tam sepe, tam præclare in epistolis suis, Dei in humanum genus admirabilem charitatem benignitatemq̄, prædicant atque commendant in Iesu Christo exhibitam & patefactam, neque tamen verbum ullum apponunt umquam, de ipso Deo hac ratione propter salutem nostram homine facto? quod certè præcipuum & præstantissimum tantæ bonitatis & argumentum & opus fuisset, nec sine piaculo ab illis in ea explicanda prætermitti potuisset. Cujus tamen rei & antiquorum & recentiorum omnium, qui id verum esse putaverunt, & opportunè & importunè sunt referta volumina. De veteris sacri fœderis testimonio non est quod laboremus, cum omnis eorum hac in re lux & interpretatio a novi fœderis scripturis dependeat, & fateantur omnes adversarii, antiquis adumbratum dumtaxat fuisse hoc divinum mysterium, sed tantummodo concludendum omnino videatur, si post Christum natum nulla hujusce rei extant aperta & indubitata divina oracula, multò minùs ante extare. Si quid autem ad hujus nostri argumenti explicationem sive confirmationem adhuc deesse videbitur, id a nobis, dum aliud agemus, inferiùs commodioribus locis addetur.

Nunc ad alia transeamus. quid enim, si istam Dei ἐνοχρωσιν nulla ratione fieri potuisse ostendamus? At illud quidem satis in promptu est. Verùm dicet aliquis, estne aliquid reperire, quod a Deo fieri nequeat? An non omnipotens est Deus? Est ille
qui-

Rom: 9. 8.
2 Cor: 5.
Ephes: 2.
Colos: 1.
1. Tim: 2.
2 Tim: 1.
Tit: 2.
1. Pet: 1. 2. 3.
2 Pet: 1.
1 Ioh: 3. 4.

quidem omnipotens, & idcirco omnia, quae fieri possunt, & facere potest, & cum libet, facit, sed quaedam, non dicam reperiuntur, sed potius excogitantur, quae cum suapte natura prorsus fieri nequeant, a Deo numquam fiunt, non quod is omnia facere non possit, sed quod ea potentiam aliquam non admittant. Haec & philosophis & theologis omnibus indubitata sunt, & ab utriusque ejus rei exempla afferuntur. Atque inter caetera, nam multa sunt, solent Philosophi illud, *Ἰνὸν Διὶ μὲν ἴσθαι ὀυμμετρον εἶναι*, libenter usurpare, Theologi verò familiare admodum est, Facta infecta reddi. Itaque, si Deum hominem fieri, ea nimirum ratione, qua ipsi Adversarii volunt, ex hoc numero esse demonstraverimus, jam certum erit illud a Deo factum non fuisse, & propterea Iesum Christum non esse Iehovam unicum Deum nostrum. Primum, si illud verum est, quod Theologi omnes passim affirmant, Deum videlicet esse immensum & substantiâ infinitum, certè, cum homo materialis & suis dimensionibus constet, & substantia finitus sit, rei autem finite ad infinitam, ut dicitur, nulla sit proportio, nemo non videt Deum cum materiali homine nullo pacto ita conjungi potuisse, ut ex utroque unum, ut vocat, suppositum factum fuerit. Oportet enim vel materialē hominē immensum & substantiâ infinitum evasisse, vel Deum dimensionibus obnoxium & substantiâ finitum factum fuisse, quae nemo non videt, quàm nox absurda modò, verum etiam impossibilia sint. Substantiam autem infinitam, & substantiam finitam in unum coaluisse, aut

se, aut coalescere potuisse, quis sanæ mentis unquam dixerit, utraque naturam & proprietatem suam retinente, quæ invicem penitus dissident, neque ulla ratione convenire possunt? Hinc ortum habuit in disputatione de cæna Domini portentosa illa de Christi corpore ubique diffuso, & tam vehementer jam diu agitata opinio. Cujus auctores, si hanc divinæ humanæq; substantiæ confictam copulationem omnino retinere velimus, non ita culpandi sunt, ut plerisque videatur, nisi quòd in eo certò falluntur, quòd corporis Christi ubiquitatem illam, quam vocant, dum adhuc is mortalis esset, agnoscere non videntur, quum tamen argumentum ex mirabili ista conjunctione desumptum, & quo solo ipsi met potissimum nituntur, non minùs ante quàm post Christi glorificationem polleat. Quod si illis objici non posset, profectò ab illis, qui hæctenus adversus eos scribunt, & interim nobis unà cum illis adversantur, numquam erroris convincerentur. In quorum inter se miseræ digladiationes, hac de re in lucem editas, si quando incidi, putas me, utrorumque licet haud mediocriter sanè misertum, risum tenere potuisse, quum ita acerbè de nihilo contendentes viderim. Deinde, eum esse Deum, eamq; ipsius substantiam, omnes & philosophi & theologi pro comperto habent, cui nihil unquam accidere possit, alioqui nec primus solus & sempiternus motor, nec omnis prorsus alterationis (illorum voce utimur) & corruptionis expers suapte natura foret, denique summus omnium rerum princeps Deus non esset. At verò mortalem hominem ita

vel induisse, vel assumpsisse, ut unà cum eo in tertium
 aliquid evaserit, non solum esset aliquid ei, ejuſq;
 substantiæ accidisse, sed maximi momenti rem acci-
 disse. nam, & de ejus substantia id nunc verè prædi-
 cari posset, quod antea nullo modo poterat, videlicet
 illi hominis substantiam inherere, & ei homo, hoc
 est, res, quæ sui natura a Deo quàm longissimè abest,
 individue conjunctus fuisset. Adde quòd isthac con-
 junctio vel inani penitus & supervacanea fuit, id
 quod mox planum faciemus, vel illud effecit, quod e-
 riam cogitare horremus, Deum scilicet verè & rei-
 ipsa, non autem imaginariè, ut ita dicam, & per i-
 diomatam communicationem passum fuisse, & hu-
 manas miseras mortemq; ipsam expertum esse. Quòd
 si christianorum Deus is est, cui hæc accidere possint,
 minimè mirandum videtur, si & Turcæ a Deo dese-
 cerunt, & Iudæi adhuc ei obfirmatis animis relu-
 ctantur atque obedire recusant. Nos autem, qui i-
 psius Christi verbis indubitatam fidem adhibemus,
 illiq; nomen dedimus, omnium miserrimi sumus, quo-
 rum salus & vita, inter tot mala, totq; mortis ge-
 nera, quæ subire coacti sumus, non aliunde, quàm ab
 ejusmodi Deo pendeat, qui verè non secus ac nos &
 affligari & mori potuerit. Satù demonstratum esse
 videtur, (multa enim, quæ ad idem comprobandum
 afferri possent, ne nimium philosophari videamur,
 consultò omittimus) quàm Dei cum homine, sive
 substantiæ diviniæ cum humana conjunctionem in
 Jesu Christo factam fuisse asserunt, inter ea recen-
 sere debere, quæ fieri omnino non possunt. Quod cum
 ita sit,

ita sit, valde mirari subit theologos nostros, qui nullo expresso, & specie saltem indubitato sacrarum litterarum testimonio impulsus, eam factam fuisse non tantum tradiderunt, sed etiam christiana religionis basim, precipuumq; dogma esse statuerunt, quum tamen eam asserere divinorum etiam oraculorum verbis consentientibus fas neutiquam fuisset. Quemadmodum enim nec penitere Deum, nec contristare sese, nec irasci, nec descendere, nec accedere, nec recedere verè & propriè dicere audent, licet horum omnium & satis frequentia, & apertissima extant sacra testimonia, nempe quod nihil eorum in Deum cadere posse persuasi rationibus & argumentis sumus, sed divina verba, in quibus hæc vel iis similia clarissimè exprimi videntur, ita interpretamur, ut commodior sensus, quàm quem ipsa præ se ferunt, inde eliciatur, eaq; propterea ab usitata, & magis propria significatione deslectere non veremur, sic etiam, si aliqua in divinis monumentis loca reperientur, ubi discretè scriptum extaret, Deum hominem factum fuisse, aut humanam carnem induisse vel assumpsisse, quod tamen, ut diximus, numquam in eis traditum reperies, non statim ita, ut sonant, verba accipienda essent, cum id divine majestati prorsus repugnet, sed ea ratione exponi deberent, ut per figuras a loquendi usu non penitus abhorrentes, & aptior sententia nobis constaret, & ipsa natura funditus non everteretur. quod certè tunc semper fiet, cum divina oracula ita interpretabimur, ut inde aliquid consequatur, quod planè impossibile esse, & Deus &

& natura ipſa aperte docuerit. Sed quoniam hæc
 eadem de re non ita multo poſt latiùs tractabimus,
 nihil aliud præterea hæc addendum cenſuimus, quàm
 ſatis conſtare, ſi, ut ea quæ natura refragantur ad-
 mittamus, ipſius divini ſpiritus aperti verbis adduci
 nec poſſumus nec debemus, multo minùs credenda
 nobis eſſe ea, quæ præter ejuſdem ſpiritus clariffima
 certiffimãq; teſtimonia adverſus ipſam naturam ma-
 niſeſtè homines commiſci ſunt auſi, de quibus il-
 lè verè dici poteſt. $\phi\alpha\sigma\ \nu\omicron\nu\tau\epsilon\varsigma\ \epsilon\iota\upsilon\alpha\ \sigma\acute{o}\phi\omicron\iota\ \epsilon\mu\alpha\rho\acute{\iota}\nu\ \theta\iota\omicron\sigma\omicron\upsilon$.
 nam qua in re ſe magis ſapere vel credide-
 runt, vel etiam ſi non aperte, tacite ſaltem jactarunt,
 in ea profectò, pace illorum dixerim, ſtultioreſ eva-
 ſerunt, id quod æquo animo noſtra legentibus, hæc a-
 liqua ex parte palàm factum iri non diſſidimus. Ve-
 rum tamen ut erroris ſui nullam omnino habeant
 excuſationem, demus illi ineffabilem hanc Dei, ut
 ipſi vocant, incarnationem peragi potuiſſe: fatebun-
 tur, credo, non fruſtra peractam fuiſſe. quin immo
 huius illorum mirabilis adinventi ea fuit potiſſima
 cauſſa, quòd alioqui humani generis, quam ipſe De-
 us per Ieſum Chriſtum ſalutem illi dedit, conſtare
 non poſſe ſunt opinati. Quòd ſi nos illam, non ſolum
 ad eam ſalutem non neceſſariam, ſed etiam proſu-
 inutilem, ac demum quavis ratione omnino ſuper-
 vacaneam fuiſſe oſtenderimus, quàm ſædè lapſi,
 quamq; miſerè hallucinati fuerint, non minùs appa-
 rebit, quàm certum fiet, Deum, licet fieri potuiſſet,
 humanam naturam nequaquam aſſumpſiſſe. Age d-
 gitur, quæ propoſuimus ſingula diligenter exequa-

mur. Ac primum quidem, quod ultimo loco positum est, dilacide expedire conemur. Certè, si velimus istam substantie divine cum humana conjunctionem frustra omnino factam non fuisse, fateri oportet, per eam aliquid effectum fuisse in alterutra, sive utraq; earum substantiarum, sed quia in humana nihil hac ratione effectum est, ut statim demonstrabitur, sequitur, ut in divina hoc contigisse dicamus. Illud verò aliud esse non potest, quàm humana substantia sive nature qualitates eam suscepisse, adeò ut saltem aliqua ex parte vel alterari, vel corrumpi posuerit, quod quidem, uti supra diximus, horribile planè est. Hinc tamen factum videtur, ut audacter a pleriq; nostrorum theologorum sæpissimè scriptum fuerit, Deum ipsum, cali & terra conditorem, & esurire, & sitire, & defatigari, & frigere, & calere, & dolore affici, & pavere, & mori denique nostrum causa voluisse, omnia tandem ab ipsis ei tributa sint, quæ homo ille Iesus Christus vel fecit, vel passus est. At enim cum ista, ipsis etiam assentientibus, verè & propriè dici nequeant, divina substantia ea omnia penitus refugiente, sed verbotenus tantum, & per alloxin sive idiomatum communicationem dicantur, hoc est ea ratione, quòd in humana natura, cum divina individue adhæssisset, ea fieri contigerit, intelligi sanè potest, non solum per ejusmodi conjunctionem, nihil in natura, seu substantia divina effectum fuisse, sed etiam quàm inanes & futiles sint eorundem theologorum hac in parte divina erga mortalium genus benignitatis tam frequentes, tamq; multi-

plices & predicationes & exaggerationes, quum dicant ita Deum homines dilexisse, ut eorum beatorum gratia & homo nasci, & omnes humanas misérias subire, & tamquam scelerosus qui piam in crucem agi non dubitaverit, & pleraque alia id genus, veluti ea, que suprà modò commemoravimus, quibus & oratoribus & poetis humane eloquentia & ingenii vires ostentandi maximum argumentum est datum, & propterea nullà erga nos Dei bonitatem injuria affici, si negetur eum hominem esse factum, quum ea omnia, que illam hac in re maxime commendare creduntur, prorsus vana esse, vereq; fieri nulla ratione posse nemo non fateatur. Consequens est igitur, ut frustra tam admirabile Dei opus factum fuisse dicamus. Nam in humana substantia sive natura, nihil per conjunctionem istam cum divina effectum fuisse ex eo manifestè apparet, quòd in homine illo Iesu Christo, nihil, excellentissimum licet & divinisimum, & humanam naturam longè transgrediens, reperiri potest, quod ab ipsius Patre, cujus personam minimè ea ratione cum homine conjunctam fuisse omnes fatentur, illi datum non legamus. Ea enim omnia vel sanctitatem vitæq; innocentiam, vel rerum humanarum vel divinarum scientiam, vel admiranda faciendi potestatem, vel in universa dominationem atque imperium, vel denique illi debitam adorationem respiciunt, nihil præterea in eo homine, quod humanam conditionem exsuperet, inreniri posse videtur. At cuncta hac Dei patris sui beneficio illū consequutū fuisse clariùs est,
quàm

quàm ut probatione aliqua indigeat. Primum enim, quod ad sanctitatem vitæq; innocentiam attinet, id tum ipse apud Iohannem aperte fatetur, quum inquit, Quem Pater sanctificavit &c. tum apertius nos docet Paulus, quum ait, Nam quod impossibile erat legi, in quo infirmabatur per carnem, Deus filium suum mittens in similitudine carnis peccati, & de peccato damnavit peccatum in carne &c. ostendit enim eo loco Paulus, Deum Patrem Iesu Christi in ejus carne, que similis fuerat carni peccatrici, id præstitisse, quod lex non poterat, eam nimirum ab omni peccato immunem reddidisse. hæc est enim illius loci vera sententia, non repugnantibus etiam aliquibus ex adversariis nostris, si modò peccatum illud, quod ibi in carne a Deo damnatum fuisse dicitur, culpam ipsam peccati, ut ceteri interpretantur, non autem peccati penam, id quod mihi verisimilius fit, significare velimus, mortem inquam, cui totum humanum genus est obnoxium, quam in Christo damnatam, hoc est, penitus per resurrectionem a mortuis ex immutabili divino decreto abolitam, vidimus, quod tamen illi sine prævia vitæ sanctimonia, perfectæq; Deo Patri præstita obedientia contingere non poterat. De omnium autem rerum scientia loca sunt quàm plurima apertissima, præsertim verò in Evangeliste Iohannis historia. Inter cetera autem hæc præcipua, Pater diligit filium, & omnia dedit in manu ejus, (Etenim de rerum cognitione locum intelligi debere aperte indicant verba præcedentia: at-

Ioh: 10. v. 36.

Rom: 3. v. 20.

Ioh: 3. v. 35.

que in eandem sententiam apud Matthæum & Lucam ait Christus, Omnia mihi tradita sunt a Patre meo, ut utrobique ex ipso contextu cuiuslibet constare potest) Et a me ipso facio nihil, sed sicut docuit me Pater sic loquor. Omnia quæcumque audivi a Patre meo nota feci vobis. Quod si queratur de admirabilia faciendi potestate, Jati superq; sunt ea, que idem Evangelista in solo quinto capite sue historie scripta reliquit. Sunt autem hæc, Non potest filius a se facere quidquam, nisi quod viderit Patrem facientem, quæcumque enim fecerit, hæc & filius similiter facit. Pater enim diligit filium, & omnia demonstrat ei quæ ipse facit, & majora his demonstrabit ei opera, ut vos miremini. Sicut enim Pater suscitatur mortuos & vivificat, sic & filius quos vult vivificat. Et paulo post, Venit hora & nunc est, quando mortui audient vocem filii Dei, & qui audierint vivent. Sicut enim Pater habet vitam in semetipso, sic dedit & filio vitam habere in semetipso. Quorum verborum genuinus sensus, a nonnullis ex nostris theologis & antiquis & recentioribus sædè depravatus, abunde confirmatur per ea, que eodem capite inferius recensentur, videlicet: Opera enim quæ dedit mihi Pater ut perficiam ea, ipsa opera quæ ego facio testimonium perhibent de me, quia Pater misit me, que de ipso homine Iesu intelligi debere, nemo ambigere potest. Sed quid, quod idem Iesus alibi apud eundem Evangelistam

gelistam, eadem opera que facit admiranda, & e- Ioh: 10.
 jusmodi ut testimonium de ipso perhibeant, in Pa-
 tris sui nomine se facere fatetur quod perinde est, ac
 si diceret, vi & potestate a Patre mihi concessa, non
 propria & naturali virtute ea facio. quare etiam
 paulo post, non sua sed Patris sui opera appellat. Quid
 quod Lazarum mortuum vite restitutus, oculis
 sursum sublati ait, Pater gratias ago tibi, quo- Ioh: 11. v. 41.
 niam audisti me. ego autem sciebam quia me & 42.
 semper audis? Nonne hac verba superiora illa ex
 quinto capite, a nobis allata, quamquam clarissima,
 si cuiuspiam obscura forent, dilucide interpretantur,
 praesertim vero ea que nobis objicere ineptus aliquis
 posset, illa nimirum, Sicut Pater suscitatur mortu-
 os & vivificat, sic & filius quos vult vivifi-
 cat? Nempe ea ratione filius quos vult vivificat, quia
 Pater semper eum audit. que eadem sententia eo-
 dem etiam capite expressa fuerat illis verbis: Sicut
 enim Pater habet vitam in semet ipso, sic de-
 dit & filio habere vitam in semet ipso.

Sequitur ut de dominatione & imperio in u-
 niversa videamus, de eo, inquam, quod Iesus Christus
 semper habuit, nam de eo, quod post crucis supplici-
 um & obedientiam suam consequutus est, quid atti-
 net querere, cum manifestum sit, ex hypostatica illa
 cum divina natura conjunctione, que semper, ut
 volunt, in eo fuit, id fieri non potuisse? Verum id
 quod ille etiam ab initio habuit, si recte rem per-
 pendere velimus, magis spe & destinatione eum ha-
 buisse, quam re ipsa dicemus, nam quod & mari, &

ventus, & morbis, & morti, & demonibus ipsis, dum in terris ageret, imperaret, id admirabilia opera faciendi potestate, de qua modo vidimus, potius, quam partem hanc respicere videtur. Nec mirum alicui sit, quod diximus Iesum Christum ante crucis supplicium, quod ut patri obediret volens subit, supremum illud imperium revera non obtinuisse, cum satis constet id obedientie huius premium fuisse, quod & auctor ad Hebraeos, & Paulus aperte testantur, & ipse Christus non obscure significasse videtur, quum discipulis suis post resurrectionem suam a mortuis inquit, Data est mihi omnis potestas in caelo & in terra, &c. Quin etiam ne nunc quidem omnia ei esse subiecta, & propterea nondum absolute omnino sibi datum imperium Christum obtinere idem auctor ad Hebraeos, & Paulus clare pronunciant. Sed ut ad propositum revertamur, dominationem atque imperium, quod adhuc mortali Christus habuit, qualecumque illud tandem fuerit, a Patre proculdubio accepit, Iohanne dicente de illo, Sciens quia omnia dedit ei Pater in manus, &c. Ipso autem, dum Patrem orat, confitente hiis verbis, Sicut dedisti ei (de filio autem, hoc est de se ipso loquitur) potestatem omnis carnis, &c. quod in eadem oratione saepius confirmat ea in parte, qua dominatum in electos suos spectat, eos enim sibi a Patre datos identidem fatetur, atque id antea non semel testatus fuerat. Superest, ut de adoratione ipsi debita idem dici debere demonstremus. Atque hic omissa distinctione temporum, quae in hoc quoque adbi-

Heb: 2. v. 9.

Phil: 2. v. 9.

Matth: 28.

v. 18.

Heb: 2. v. 9.

1. Cor. 15.

v. 25.

Ioh: 19. v. 3.

Ioh: 12.

Ioh: 17. v. 2.

Ioh: 6. v. 37.

& 39.

Ioh: 10. v. 29.

adhibenda esset, ut brevitati consulamus, praesertim cum inferius, dum libro sequente adversariorum objecta diluemus, hac eadem examinanda veniant; dicimus illud unicuique constare posse, qui apud Iohannem ipsius Christi hac verba legerit, Neque enim Pater iudicat quemquam, sed omne iudicium dedit filio, ut omnes honorificent filium, sicut honorificant Patrem. Qui non honorificat filium, non honorificat Patrem, qui eum misit. Ex quibus apparet, adorationem illam, quam adhuc in terris degens Christus non recusavit, ex patris sui voluntate & decreto ratam fuisse, qui eum tamquam seipsum honore affici volebat. Praeterea sciendum est, ideo nos, ut ostenderemus humanam substantiam a divina, quae unâ cum ea Iesum Christum constituerit, nihil accepisse, quod a Patre illi data omnia fuerint, demonstrasse, ut omnis tergiversandi via praecluderetur, quum, ut dictum est, planè constet, patris personam carnem non assumpsisse. Loca tamen, in quibus non Patrem, sed simpliciter Deum aliquid Christo dedisse affirmatur, quae infinita propè sunt, idem non minùs aperte indicant. Nam profectò, nisi Nestoriani esse volumus, duasque personas in Christo asserere, quum Deum illum, qui in eo tot tantaque effecisse eius dedisse dicitur, alium ab ipso Christo esse necesse sit, nemo enim vel in se ipso aliquid eiusmodi efficere, vel sibi ipsi quicquam dare potest, manifestè consequitur, eundem illum Deum divinam naturam Christi, quae alia ab ipso met Christo, nisi eum, ut Nestorius faci-

Ioh: 5. v. 22.

83v

erat, dividamus, esse nullo modo potest, intelligi non
 debere. Hinc factum est, ut ipsimet Adversarii nostri,
 ea quidem, quæ Deum Christo dedisse legimus, ad
 Christi humanam tantummodo naturam pertinere
 dicant, Deum autem illum solam divinam Christi
 naturam significare, affirmare non audeant, sed
 plerumque, licet Patris nomen non adscribatur, vel
 de Patris persona, vel, ut ipsi loquuntur, de tota tri-
 nitate aperte ea verba interpretentur. Sed quidnam
 humana sive substantia, sive natura a quoquam um-
 quam accipere potuit, si ab ipso Iesu Christi nativi-
 tatis, & in matris utero conceptionis initio divina
 natura, immo, ut volunt, Deus ipse omnipotens ei
 adeo conjunctus & copulatus fuit, ut ex duobus hy-
 postaticè unum fieret, & hunc ipsum Deum, qui se-
 cundum eorum doctrinam idem etiam æternus Dei
 filius est, & in Dei prorsus indivisibili essentia perso-
 na & est, & appellatur, in Iesu Christo tamen per-
 sonam esse, ne invicem nature illa ratione aliqua
 separentur, omnes dicere planè horreant? Superva-
 canea igitur, ut jam diximus, omnino ista divina
 substantia, sive natura cum humana copulatio, si ne-
 que humana a divina aliquid, sed omnia a Deo pa-
 tre, qui ei hypostaticè junctus non fuit, accepit, &
 divinam ab humana quidquam verè & re ipsa mu-
 tuatam fuisse piaculum est cogitare, nedum asserere
 velle. Accedit eò, quòd frustra id fieri, & supervaca-
 neum esse rectè id dicitur, ex quo nihil efficitur,
 quod commodiore & magis compendiarìa quadam
 via effici non potuerit. Quare, licet hominem illum

Iesum Christum, seu maiori ejus humanam naturam
atque substantiam, a divina sibi incredibili illo mo-
do copulata, omni præstantiora que habet accipere
potuisse, constaret, cum tamen ex sola divina virtute
ac potentia, sanctiq; spiritus operatione idem fieri
potuisset (id quod vel ex eo, quod factum fuisse pro-
bavimus, satis cuilibet patere potest) quid opus fue-
rat, Deum ipsum ineffabili quadam ratione illi con-
junctum esse, & sue ipsius quodammodo majestatis
& glorie oblitum, seu potius prodigum & deserto-
rem, humanam naturam despectam atque contem-
ptam, infinitisq; malis obnoxiam inducere? Neque
verò silentio prætereundum est, omnes fateri divi-
nam & humanam naturam in Christo Iesu non ad-
eò conjunctas fuisse, ut vel mista vel confusa fue-
rint, ne minima quidem ex parte, ne quis hac rati-
one contendere velit, conjunctione illa aliquid esse-
ctum, quod absque ea, sola Dei vi atque gratia, efficit
non potuerit. quamquam quid ex illa mixtione &
confusione consequutum fuisset, præter id quod Deus
ipse sola potentia & favore suo præstare potuisset, ne-
que nos videmus, nec quemquam nobis ostendere
posse satis persuasi sumus. Plura quidem in hanc ean-
dem sententiam a nobis possent afferri, sed, tum qui-
a que allata sunt, quod demonstrandum sumpsimus,
satis probare videntur, tum verò quia in eum locum
ea rejicere satius duximus, ubi divinarum litera-
rum testimoniis Iesum Christum æternum Israelita-
rum & Christianorum Deum, & mundi hujus cre-
atorem primum non esse, postquam rationibus, ut

nunc facimus, illud comprobaverimus, ostendere de
 crevimus, ad reliqua pergamus. Visum est, quàm in
 univèrsam supervacanea & prorsus inani fuisse
 bypostatica illa divine humanæq; substantiæ conjun-
 ctio, nunc ad rem ipsam propiùs accedentes, nomi-
 natim ad eam salutem, quam in humanum genu
 Deus opt. max: per Iesum Christum conferre digna-
 tus est, non inanem tantummodo, verùm etiam pla-
 nè inutilem futuram, sequitur ut videamus. Atque
 opera pretium est nosse, cur eam salutem sine illa
 constare non posse contendant Adversarii. Præcipua
 autem illorum, recentiorum præsertim, ratio hæc
 est, quòd, cum ad salutem æternam, qualis est ea
 qua nobis in Christo Iesu exhibetur, hominibus dan-
 dam, necesse fuerit eorum peccata deleri, propter
 que sempiterno exitio erant obnoxii, peccata au-
 tem, hoc est in Deum offensa, deleri nequeant, nisi
 ipsius Dei justitiæ plenè satisfiat, neque humana na-
 tura per se hoc facere aliquo modo possit, utpote qua
 & tota peccati labe coinquinata sit, & propter suam
 vilitatem, certiq; iudemq; admodum angustis ter-
 minù circumscriptas vires, nihil habeat, quod ad
 Dei summam infinitamq; justitiæ suæ vi pertinge-
 re possit, oportuerit illi eidem humanæ naturæ, per
 quam tantum scelus in ipsa commissum expiari pot-
 fuerat, conjunctam esse naturam divinam, quæ om-
 nia suppleret, malûq; omnibus maderetur, adeo
 ut in quo utraque natura reperiretur, morte sua
 & sanguinis effusione, meritas penas pro cunctis
 dare, & Dei iram erga nos placare posset, cumq; Dei

& ho.

& hominum μεσίτης (nostri mediatorem dixerunt) idem futurus esset, certè, ajunt, medium inter duo hæc extrema illum esse oportebat. & utriusque naturæ participem, ut & homines ad Deum adducere, & hominibus Deum conciliare posset. Addunt præterea, præsertim verò antiquiores theologi, multa, de Dei hac ratione facta cum humano genere conjunctione, valde quidem illa speciosè dicta, sed quæ verè nihil habeant ponderis, & quæ lingua exprimi magis quàm mente percipi possint, de quibus, licèt examinari non mereantur, postea videbimus. Nunc de præcipua, quam modò ex eorum, quibus consecuti sunt, mente attulimus, ratione agamus.

Primum igitur sciendum est, hanc humanæ salutis viam, tamquam a Deo nobis in Iesu Christo exhibitam, quam Adversarii nostri asserunt, a veritate longè abhorrere, quippe cum Iesus Christus non ea ratione humano generi salutem pepererit, quòd divinæ justitiæ de eorum offensis cumulatè satisfecerit, justasq; ei pro illis pœnas persolverit, sed quòd gratuitam delictorum veniam, vitæq; æternæ consequendæ rationem, e sinu Dei Patrû sui prolatam, & primus & solus mundo non patefecerit tantum, sed etiam morte & sanguine suo sanciverit & testatus fuerit, suiq; demum exemplo a Deo e mortuis excitatus, sempiternaq; vita donatus, eam nobis omnibus abunde confirmârit, potestatem ab immortalis Deo adeptus, omnes, qui ei fidem adhibuerint, ejusq; dictis paruerint, in extrema illa die a morte liberandi, immortalisq; vitæ restituendi. Hinc ipse-

mes

Koh: 13. v. 37. *met se ideo natum esse dixit, & in mundum venisse,*
ut testimonium daret veritati, & alibi in sacris lit-
 Apoc: 3. v. 14
 1. Tim: 6. *teris modò testu fidelu appellatur, modò sub Pontiu*
 v. 13. *Pilato bonam confessionem testatus fuisse dicitur,*
 1. Pet: 1. v. 13. *Quumquè Deus, secundum magnam suam miseri-*
 cordiam, nos in spem vivam regenuisse dicatur per
 Heb: 5. v. 9. *resurrectionem Iesu Christi a mortuis, u consum-*
 matus omnibus obtemperantibus sibi causa eterna
 Phil: 3 v: 21 *salutis factus fuisse legitur, & corpus nostrum hu-*
 mile, ut conforme sit corpori suo glorioso, reforma-
 turus traditur ea potestate, qua etiam sibi omnia
 1. Cor: 15. *subicere potest, quam a Patre Deo accepisse, qui ei*
 v: 27. *omnia subiecit, eumq; ad dexteram suam collocavit,*
 Eph: 1. v: 20. *& regnare vult, donec ponat omnes ejus inimicos*
 Psal: 110 v: 1 *scabellum pedum ejus, scriptum esse non ignoramus.*
 1. Pet: 3. *Verum quia hoc, ut Adversariorum objecta dilue-*
 v: 22. *rentur, veritasq; eorum culpa tenebris obruta, in*
 Act: 2. *clarissimam lucem proferretur, longiorem disputa-*
 Psal: 3. *tionem requireret, humanaq; justificationis argu-*
 Heb: 1. *mentum, quod & varium & multiplex est, tractan-*
 Matth: 28. *dum & explicandum esset, idq; a nobis (faveat mo-*
 v: 18. *dò Deus captis nostris) separatim volumen aliquan-*
do expectat, ne, Adversariorum opinionem simpli-
citer negando, manus cum eis hac in re conferendi
occasionem refugeere videamur, eam illi in presen-
tia demus, quam tamen maxima cum divine boni-
tatis injuria, salute nostra in discrimen adducta, a-
liquibus sacrarum litterarum testimoniis metapho-
ricè aut metonymicè loquentibus, qua tamen & ipsi
per metaphoram aut metonymiam, seu alios loquen-
di tro-

di tropos exponere coguntur, miserè decepti, divinâ oraculis licet undiq; reclamantibus, ipsaq; ratione penitus abhorrente, consinxerunt, lectoremq; tanti erroris obiter admonuisse sufficiat. Oportuit igitur, ut ipsi ajunt, divina justitiæ de humanis sceleribus cumulatae satis fieri. Quid tum? An ipsemet Deus eas pœnas persolvere debuit? Quid absurdius? Primum id fieri nullo pacto potuit. Deus enim, ut jam visum est, neque dolore affici, neq; perpeffiones aliquas experiri potest. Deinde, nemo sibi ipsi aliquid solvit. At dicunt, satis fuisse, si humane nature, quæ & pœnas subire potuit, & eas Deo debeat, divina individua hæserit. Verùm eodem revolvi videntur; nam neque adhesio ista aliquid momenti allatura fuit, si humana tantùm natura verè pati poterat, cujus cruciatus omnes, ut cumq; eos consideres, finitos prorsus ac terminatos esse oporteret, quum infinitatùs cujusdam, ut ipsimet apertè profitentur, pœnas, quæ infinite divine justitiæ satisfaciendi causa persolvuntur, necesse sit esse participes, neque ut delictorum conscientia humanos animos amplius non ex cruciet, propter satisfactionem istam, in qua salutis suæ spem positam habeant, Deum ipsum, cui satisfaciendum erat, ad eam peragenda aut absolvendam propriâ personâ ulla ratione concurrisse dicendum est. necesse est enim omnino satisfaciendæ personam, ab eus, cui satisficit, disjungi ac separari, alioqui veram satisfactionem factam fuisse, nemo sibi ipsi penitus persuadere poterit, & propterea, nisi alia ratione servari nos dicamus, quàm si illam factam fuisse certè credi-

crediderimus, labefactari ac corruere salutem nostram fateri planè cogemur. Quocirca statuendum videtur, istam divinæ substantiæ cum humana conjunctionem, hanc salutis viam prorsus tollere, tantum abest, ut eam vel parere vel stabilire possit, eosq̃, qui hac eadem ratione nos servari credentes, Iesum Christum æternum quidem Deum, sed non eundem illum, cui satisfaciendum fuerat, esse dixerunt, multò consultius hac in parte loquutos fuisse, quos nihilominus tamen longè a vero scopo aberrare suo loco demonstrabimus. Quam igitur rationem ad opinionem suam confirmandam præcipuam Adversarii esse autumant, ea maximè illorum commentum detegit, sententiãq̃ convellit, præsertim cum Iesu Christi cruciatus & mortem, non satisfactionis loco Deum duxisse, sed verissimam & plenissimam satisfactionem de universi humani generis offensis agnovisse plerique contendunt, quod ut consistere posset, dum Iesu Christi personam adeò sublimem atque excelsam effingere student, ut sui sanguinis fusione tantum res alienum omnium nostrum nomine dissolvere potuerit, non animadvertunt, se illum, qui debitor potius quam creditor esse potuisset (potest enim debitor, si solvendo sit, & pro se & pro aliis satisfacere) ipsummet creditorem facere, qui ex persona sua non nisi gratuita condonatione debitores liberare potest, gratuita inquam, quòd non solum ab iisdemmet debitoribus nihil repetat, verùm etiam quòd neminem pro illis quidquam sibi solvere velit. nam si alium sibi solutionem facere vel postulet, vel

let, vel patiatur, non quidem ex persona sua, sed ex aliena eos liberabit. Itaque prestabat a veritate non omnino discedentes, Iesum Christum non ipsum unicum Deum nostrum opinari, sed diviniissimum hominem agnoscere, tanta dignitate pollentem, ut tantum onus subire merito potuisset. neque enim ut ea, quae humane naturae deerant, supplerentur, si modo, quod ad propositum attinet, suppleri poterant, necesse erat Deum hominem fieri, sed satis fuisse, divina potentia atque virtute, cui omnia sunt in manu, & cui nihil difficile est, eam penitus perpurgari, ac numeris omnibus absolutam reddi, eiq; infinitam vim, cuius participes omnes ejus operationes forent, communicari. atque eo casu, quemadmodum si quis ab alio ita ditatus fuerit, ut ea, quorum illius benignitate plenam possessionem ac dominium habet, summam illi a ceteris quibuscumq; debitam, estimatione vel aequent, vel etiam superent, posset ut profecto, si vellet, cunctorum debitorum nomine de suo eidem illi verè ac plenè satisfacere, sic etiam homo Christus Iesus, ipsimet Deo, a quo facultatem hanc dono accepisset, quicquid ei ceteri homines debent, persolvere potuisset, id quod nequaquam fieri potuisset, si Deus facultatem hanc Christo homini plenè largitus non est, sed eam, vel ejus saltem partem aliquam solus ita retinuit, ut ad solutionem perficiendam ipsius persona omnino opus fuisse dicamus, cum nullus creditor de pecunia sua, quam nemini donavit, sibi ipsi debitorum nomine satisfacere aliqua ratione queat. Neque est, quòd quis, ut argumenti no-

stri vim effugiat, hacq; absurda devitet, dicat, in di-
 vinitus aliam esse personam Patris, aliam filii, & id-
 circo potuisse Patri a filio, qui solus humana nature
 hypostaticè conjunctus fuit, & verè & plenè satisfi-
 eri. nam præterquam, quòd hæc in unico Deo nostro
 personarum distinctio humanum prorsus commen-
 tum est, nec ulla ratione admitti potest, ut paullo
 post videbimus, nonnè & filii personæ juxta illorum
 doctrinam satisfaciendum erat, in quam non minùs,
 quàm in personam Patris homines peccaverant? non-
 ne ex eorum sententia, adversus quam nos disputa-
 mus, Iesus Christus est ille unicus Deus noster, cujus
 majestatem, quantum in nobis fuerat, sceleribus no-
 stris fædè imminueramus? Quid ergo attinet hu-
 jusmodi diverticula absurda ac plane falsis sui as-
 sertionibus querere? Omitto, quòd satis est Patris
 personæ & filii, omnia, quibusdam exceptis que ad
 rem nihil faciunt, quemadmodum ipsi credunt, pror-
 sus esse communia, ut a filio Patri aliquid solvi no-
 strum nomine non potuerit, vel solutio per huma-
 nam naturam, cui us uniter hæssisset, Patri facta per-
 fici.

Venio ad τὸν μεσότης appellationem, qua in re,
 mirum, quàm graviter erraverint Adversarii nostri,
 existimantes, μεσότης illum significare, qui duos
 inter se dissidentes ad concordiam adducat, & alte-
 rum alteri conciliet, quiq; utrorumque nature sit
 particeps, neque animadvertentes Mosen ita appel-
 latum fuisse ab apostolo Paulo, ipsumq; se inter Ie-
 boyam

Iohannem & Israëliticum populum stetit, eidem po-
 pulo in memoriam revocasse. qui tamen Moses nec Dout: 10-5.
 Iehovam Israëlitico populo conciliaverat, sed ferme
 invitatus ac tantum non coactus, mira Dei benignita-
 te, qui promissa Patribus solvere volebat, ad eum &
 liberandum & regendum est missus, nec divina na-
 tura, ea ratione qua Adversarii intelligunt, um-
 quam particeps fuit. atque ut fuisse, satis est longè
 alia ratione ab Apostolo mediatorem dictum esse, i-
 psamq; Mosensem eum fuisse, qui medius inter Ieho-
 vam & Israëliticum populum stetit, commemo-
 rasse, ut ex eorum verbis clarè liquet, nimirum quia
 eo tamquam legato, seu potius internuntio atque in-
 terprete, Deus ad legem populo suo dandam usus fu-
 isset, sive, ut ipsarum sacrarum litterarum verbis u-
 tar, quia iudicia atq; præcepta & leges inter se, &
 inter filios Israël; dedisset Dominus in monte Sinai
 per manum eius, ut habetur Levitici cap: 26. ad fi-
 nem, eumq; per quem populus voluntatis sua quoti-
 die admoneretur, ad seq; accederet, constituisse.
Neque verò Christus ipse alia de causa vocatus,
seu mediator dictus est, quàm quòd medius inter se
& homines a Deo constitutus fuerit, non quidem ut
Deum hominibus placaret, sed ut eum illis iam pla-
catum esse & prædicaret, & apertissimè per semet-
ipsum confirmaret, homines verò Dei osiores atq; i-
nmicos ipsi Deo reconciliaret, atq; æternus regula-
tor, & divina voluntati fidiissimus & certissimus in-
terpres illi foret, per quem in perpetuum ad Deum
accedere possent, & sempiternam vitam consequi.

quod quia nemini nunquam prae-
ter eum datum fuit,
unicus etiam Dei & hominum mediator merito est
appellatus. Haec breviter veritati indicanda potius,
 quam patefaciende gratia perstrinxisse sufficiat.
 Adversariorum autem rationem diligentius expen-
 damus. Mediator, inquit, utriusque eorum, quo-
 rum mediator est, nulla ratione fieri potest, nisi sui
 ipsius quempiam mediatorem esse velimus, quod lon-
 ge absurdissimum esse nemo est qui non videat. Sed
 quemadmodum Christus Iesus humanam quidem
 naturam participavit, non tamen idem ille homo
 fuit qui Deo reconciliandus erat, ita divinam natu-
 ram eum participasse dicemus, non tamen eundem
 illum Deum fuisse, cui hominem reconciliari oport-
 rebat. Quumque in hac utriusque natura participatio-
 ne duo coniungi opus sit, quae omnino inter se disti-
 dent, & tamquam duo extrema censi possunt, di-
 vinam scilicet & humanam naturam, eam divinam
 autem naturam superius extremum esse appareat,
 humanam inferius, numquam huiusmodi conjun-
 ctio fiet, nisi se divina natura demittat humana ve-
 rò extollatur, hoc est, nisi a summo gradu divinita-
 tis & infimo humanitatis multum recedatur. Quod
 quidem in humana natura factum fuisse omnes &
 perspicimus & confitemur. Iesus enim Christus licet
 verus homo fuerit, humanam tamen conditionem,
 etiam qua homo longe excessit, & in eadem ipsa hu-
 manitate plus quam homo fuit. Cur igitur in divina
 idem factum fuisse non dicemus, & verum quidem
 Deum esse Iesum Christum, ab ipso tamen Deo mul-

in gradibus distare, atque & quâ deum, Deo minore
 esse, adeò ut verè & propriè, non autem per
 loquendi tropos & figuras, non minùs humanus De-
us, quam divinus homo dici possit? Atque hæc fuit,
 quæ & fieri potuit, & necessaria erat in Christo
 mediatore, humane divinæq; nature participatio.
 neque enim, ut præclare hac in parte Lactantius ait,
 salutis viam suo exemplo nobis ostendere potuisset,
 nisi in dem malis, quibus nos sumus, & ipse obnox-
 ius fuisset, nisi nostram similitudinem extitisset, nisi tandem
 verè homo natus esset, id quod disertè comprobat au-
 ctor epistolæ ad Hebræos, quum ait, decens fuisse
 principem salutis nostræ per passiones consummari,
 & non secus ac nos carni & sanguini communicare,
 nostrisq; debuisse eum per omnia similem fieri; neque
 rursus nobis Dei arcana patefacere, omnemq; eius
 erga nos voluntatem & aperire, & confirmare po-
 tuisset, vel id re ipsa præstare posset, quod promississet,
 nisi thesauri omnes sapientiæ & scientiæ in eo abs-
 conditi fuissent, nisi suprema potestate præditus in
Dei forma extitisset, nisi deniq; verè Deus esset. Neq;
 tamen ea ratione huiusmodi etiam hominis & Dei
 nature participatio in Christo fuit, quòd is Dei &
 hominum mediator futurus esset. poterat enim &
 Angelus, si ita Deus voluisset, inter nos ipsumq; me-
 diator esse, sed quia mediationis, quam Deus elegit,
 modus eam requirebat. Quam verò theologi nostræ
 consinxerunt, ea, ut supra visum est, nec fieri aliqua
 ratione potuit, neque ad salutem nostram quidquam
 momenti attulisset. nam, ut millies demus, oportuisse

Lib: 4 caps
 23, 24, & 25.

Heb: 2.

Deum hominibus conciliari, idq̄, mediatoris officium esse, profectò se ipsum alteri, ut jam dictum est, nemo conciliat, nemo a seipso alterius nomine vel pœnam deprecatur, vel veniam impetrat. Ex quo fit, ut non tantùm mediatoris munus, quod ipsi commenti sunt, per eam non stabiliatur, sed funditus etiam subvertatur. Quod autem ajunt, hæc ratione Dei cum hominibus conjunctionem esse factam, aded, ut & deus homo, & homo deus quodammodo factus sit, id quidem, ut dicebamus, speciosè dictum est, sed idem vel prorsus nihil est, vel aliunde pendet. Nam si per hujusmodi Dei & hominis conjunctionem nihil aliud intelligunt, quàm ipsam humanæ nature cum divina in unica hypostasi copulationem, hoc certè non illius rei, de qua quarimus, effectum est, sed eadem ipsa res. Sin autem Dei in humanum genus bonitatem atque clementiam, hominũ verò beatitatem, & ad Deum conversionem intelligunt, hæc a participatione illa divine nature, quam homini Iesu Christo tribuunt, nequaquam proficisci posse liquidò apparet. Dei enim bonitas atque clementia, si eas propriè, & prout in ipso Deo resident, accipias, cause non effecta illius fuissent, neque hæc ab illa, sed potius illa ab hũ dependisset. Sin eas impropriè, & ut plerumque fit, pro ipsius Dei beneficiis & largitione capias, earum non isthæc utriusque nature conjunctio, sed divina voluntas est causa. Hominũ autem ad Deum conversio, quæq̄, illam consequitur vera beatitas, non ex eo proveniunt, quòd utraque natura, divina & humana in Christo fuerit, sed quòd


Dei benignitatem agnoscetes, qui omnes, quicumque
resipuerint, delictorum venia, aeternaque vita digna-
tus est, cujus rei aperitissima testimonia per Chri-
stum, & in Christo nobis exhibita sunt, ad ipsum
Deum toto pectore convertimur, & propterea verè
beati ex ipsius dono tandem efficiamur. Quod si hypo-
staticam illam in Christo unionem, non tamquam
efficientem harum rerum causam, quod modo exa-
minavimus, sed tamquam vel formalem, vel materi-
alem considerent, id quàm longissimè a veritate ab-
est, nisi si priore sensu Dei cum homine conjunctio-
nem intelligamus. Sed eo casu quidnam evincunt?
nihil planè. Neque enim fati est, per incarnati,
ut eorum verbis utamur, verbi mysterium divi-
nam humanamque naturam in unum suppositum co-
haesisse, nisi ex hac illorum cohesione aliquid boni in
homines, quorum causa factam esse fatentur, vel
provenerit, vel aliqua ratione redundaverit. Ad
priori illo sensu rejecto, rem penitus inspiciamus.
Ac bonitatis quidem & clementiae divinae, quocum-
que tandem eas sensu accipere velimus, formalem
aut materialem causam, quam in Iesu Christo
humanae divinaeque naturae conjunctionem commen-
ti sunt, esse non posse palàm est. nam ipsius Dei er-
ga homines bonae voluntati, quatenus in ipso resi-
det, & beneficiorum, quae nobis contulit, est causa,
neque forma, neque materia extra ipsummet De-
um, ne excogitari quidem sine summa stultitia, vel
potius impietate potest. Dei autem in nos per Chri-
stum Iesum collatum beneficium atque largitio, in de-

lictorum nostrorum nobis oblata gratuita condonati-
 one, atq; ipsi Iesu Christo fidem habentibus aeterna
 vitae destinatione, propriam formam & materiam
 habet. Nostrae verò ad Deum conversionis sempi-
 ternaq; beatitudinis, & forma & materia in ipsa re-
 sipscentia, fideq; in Christo ipso collocanda, inq; di-
 vina maiestatis & gloria visione fruitioneq; & con-
 sistit, & constituta est. De instrumentali causa, ubi
 maior verisimilitudo apparet, non est quod quera-
 mus. Satis enim iam a nobis demonstratum est, in-
 strumentalem causam, huius salutaris, de qua lo-
 quimur, Dei cum humano genere conjunctionis, i-
 stam cum humana natura admirabilem incredibili-
 emq; copulationem esse non posse, cum nihil eam
 momenti ad salutis rationem illam, quam potissi-
 mum nobis in Christo exhibitam credunt, attulisse
 probavimus. Haec a nobis partim exactius, partim
 brevius, ac propterea obscurius fortasse, quam par-
 fuerat, disputata sunt, sed & Adversariorum in-
 anem speciosamq; fallaciam detegere, & acuti inge-
 niosiq; lectoris, cuius praecipue gratia haec attigimus,
 rationem habere voluimus. Haecenus ex eo, quòd
 Deum hominem fieri oportuisset, id quod primo loco
 factum non esse, deinde fieri non potuisse, postremo
 supervacaneum omnino futurum fuisse, demonstra-
 vimus, satis probatum videri potest, Iesum Christum
 unicum Israelitarum & Christianorum deum non
 esse. Sed ad idem adhuc plenius & apertius confir-
 mandum, aliam rationem, quamquam unicuique
 satis notam & obviam, asserre ne gravemur, cumq;

Adver-

*Adversarii in ea ruditate, & divinorum mysterio-
rum turpis inscitia nos insimulent, eam diligen-
tius examinemus, & num ipsi potius in eius vi
non agnoscenda insignis cuiusdam recordia, &
sacrarum rerum miserabilis ignorantia argui pos-
sint, dispiciamus.*

Cætera desiderantur, non absolvit auctor.



SEQUITUR

INITIVM SCRIPTI

FAUSTI SOCINI SENENSIS,
in quo ad argumenta, quibus tres in
unica Dei essentia personæ adstrui
solent, respondere instituerat.

C ;

AD.

ADVERSARIORUM THESIS:

In una numero essentia Dei plures esse personas.

ARGUMENTUM.

Scriptura, quæ Deum unum esse affirmat, eadem ipsum plures esse ostendit. Igitur Dei quidem essentia una numero est, personæ autem plures.

RESPONSIO.

NEGATIVE consequentia. Nam, etiamsi nomen unus nunquam nisi ratione aut essentia, aut personæ enunciaretur, non minus tamen ex argumenti assumptione concludi posset, Dei personam unam numero esse, essentias verò plures, quàm unam numero essentiam, plures verò personas. Neque enim minus absurdum est, ubi una numero essentia est, plures personas, quàm ubi una numero est persona, plures essentias constituere. Satis hoc ex iis, quæ superiore libro disputata fuere, constare arbitramur, cum a nobis probatum fuit, fieri non posse, ut in una numero essentia plures distinctæ suis proprietatibus personæ inveniantur. At verò, cum non personæ essentia verò tantum ratione res aliqua una esse dici possit, si omnino statuere velimus pluralitatem personarum in Deo, quid prohibet, quominus, cum sacra litera Deum unum esse dicunt, id non ad essentiam, sed ad voluntatem pertinere existimemus, is a ut non unam numero in

Deo essentiam, sed unicam voluntatem, id est, in illis pluribus divinis personis, summam indissolubilemque consensionem atque concordiam, esse agnoscimus. Præstat enim aliquid, quod absurdum censeatur, suspicari, quàm id quod nullo modo fieri possit, asserere. Absurdum quidem esse statuimus pluralitatem divinarum essentiarum inducere, at impossibile planè est, ubi plures sint personæ, ibi unam numero essentiam esse. Adeò, ut, etiamsi nullus alius locus inveniretur, ubi nomen unus vel ad personam, vel ad essentiam non referretur, tamen necesse esset, admissa personarum pluralitate in Deo, eos omnes locos, in quibus Deus unus esse dicitur, de alia quapsiam unitate, quàm de essentia individua unitate interpretari. Itaq; aut pluralitatem illam, quam sanctæ literæ Deo tribuere videntur, ad personas referri debere, prorsus negandum est, aut necessario plures essentia divine statuenda. Illud certissimum est, si pluralitatem illam ad personas referre velimus, non minùs plures essentias divinas, quàm in uno individuo deo plures personas inde colligi posse. Verùm pluralitas illa pluralitatem personarum minimè ostendit, ut ex factorum verborum examinatione, quibus adversarii argumenti sui assumptionem probare nituntur, liquido apparebit. Scripturam igitur Deum, quem unum esse affirmat, eundem plures esse ostendere, pluribus ex ea prolatis testimoniis demonstrare conantur, que nos per argumenta quedam disponemus.

Primò ex eo argumentantur, quòd Deus in ea
hebræa

hebraicè Elohim vocatur. quod nomen numeri pluralis est, atq; apud hebraeos idem prorsus sonat, quod apud nos Dii, quam vocem ferè semper, cum de Deo est sermo, in constructione numero singulari junctam videmus, nimirum (inquirunt) ut agnoscamus Deum & unum, & plures esse, id est in una numero Dei essentia plures esse personis. Hæc ratiocinatio inutilis prorsus censeri debet. Nam apud hebraeos usitatum est, in nominibus pluralem numerum pro singulari usurpare, præsertim verò in iis, quæ imperium, dominationem, potentiam, gubernationem vè aliquam declarant, ut patet in nominibus Adon & Baal, quorum prius dominum aut sustentatorem, alterum verò & dominum, & possessorem, & virum seu maritum significat. Quæ nominalitè planè appellativa, & in sacris litteris frequentius hominibus, quàm Deo tributa, numero tamen plurali, præsertim verò prius, sapissimè efferuntur, tunc etiam cum de uno tantùm homine est sermo, ut de Adon videre est Gen: 24. v: 9, & ver: 50; & cap: 39. v: 17. & v: 20. Exo: 21. v: 4, & 32. Deut: 23. v: 15. Job: 3. v: 19. Esa: 24. v: 2. qui omnes loci, unà cum aliis non paucis, a Pagnino in sua lingua sanctæ thesauro citantur. Quibus, ne hoc in statu regiminis tantùm, (ut loquuntur) aut cum affixis fieri imperitè quipiam caussetur, adde locum illum 1. Reg: 22. v: 17 a Forstero notatum, Lo adonim laellæh, Ad verbum, Non domini illis, id est, Non habent dominum. Vbi manifestè Domini pro Dominus usurpatum est, & illum a Pagnino citatum quidem, sed non animadversum nisi in sua

Grāmatica Esa. 19. 4. Et tradā Ægyptum in manum Adonim kaschæh id est dominorum duri. pro Domini enim Dominorū dictum est, non autem Duri pro Durorum, ut quibusdam placet. sed in uno & eodem versu, & cum affixo, & in statu absoluto habetur idem nomen in numero plurali pro singulari Malach. 1. 6. Quamvis enim, cum in statu absoluto est, de Deo sit sermo, apparet tamen ibi merè appellativum esse. Atq; ex eo loco aperte colligitur, non alia ratione pluralitatem in eo nomine Deo tribui, quam homini tribuatur. Quod verò attinet ad nomen Baal, vide quos citat locos idem Pagninus Exo. 21. v. 29. & cap. 22. v. 10. & 11. Esa. 1. v. 2. Quare mirum videri non debet, si, cum Deus nomine nuncupandus esset, quod gubernationem, potestatemq; declararet, numero plurali apud hebræos id factum est, quamvis nullam personarum pluralitatem in Deo esse constaret. Siquidem Eloah, quod est singulare nominis pluralis Elohim, quamvis אֱלֹהִים, summi illius rerum omnium moderatoris potentissimi, quodammodo proprium factum sit, appellativum tamen verè est nomen, non secus atque θεός apud Græcos, & Deus apud Latinos. & iudicem sive gubernatorem, potentemq; significat. Quod si pluralitatem aliquam propter pluralem numerum omnino significari velimus, non personarum quidem, sed gubernationum, & potentiarum pluralitatem, que in Deo animadverti possunt, nomen Elohim significabit. & quamvis unus prorsu sit, tamen quasi essent plures potentes gubernatores, honoris gratia

Deus

Deus eo nomine appellatus dicitur. Nam honorū quoque gratia, ea nomina, Adon & Baal, numero plurali de uno homine sepius enuntiata fuisse, & ratio ipsa docet, & lingua hebraea peritissimi quique tradiderunt. Hinc factum est, ut tum etiam, cum Dei nomen prorsus appellative positum est, & simul ab iis prolatum qui veri Dei cognitionem non habebant, quique pluralitatem aliquam personarum in uno Deo, vel ipsis adversariis iudicibus, ne somniabant quidem, quamvis de uno tantum sit sermo, Elohim tamen numero multitudinis scribatur. Exempli passim occurrunt. Insignis est tamen inter ceteros locus ille Ion: 7. 6. Surge & clama ad Deū tuū; si fortē de nobis cogitet Deus, & non per eam. Nā & Elohercha, & Elohim ibi manifeste scriptum est. Nec verō est, quod qui adhuc urgeat, nomen numeri pluralis Elohim, de summo illō Deo simpliciter pro numeri singularis nomine usurpatum non fuisse, quia aut verbum, aut adiectivum nominibus pluralis numeri nonnumquam iunctum reperitur. Verbum, ut Gē 20. 13. Hithu ochi Elohim, Ad verbum Errare me fecerunt dii & c. Nominibus adiectivum, ut Iosue 24. 19. Nō poteritis servire Elohove, quoniam Elohim kedoschim hu, id est, Dii sancti ipse. Animadvertendum enim est in istis, & si qui similes sunt loci, habitam fuisse rationem terminationis nominis Elohim, que est numeri pluralis, & quamvis de uno tantum sit sermo, nomina quoque & verba illi adjuncta fuisse pluralis numeri amplioris adhuc honoris gratia, quem præter modum,

Deo tribui numquam contingere poteſt. Quamquam non deſunt ex iſtis aduerſarij noſtri, qui prius illud teſtimonium Gen. 20. 12. de angelis interpretentur, quorum miniſterio Deus, in alloquendo atq; e pater- na domo educendo Abrahamo, uſus fuiſſet. Cui ſimile eſt illud eodẽ libro cap: 35. v. 7. Nam ibi apparuerat ei dii &c. quem locum nõ pauci de angelis lo- qui affirmant, & Vatab. Chaldeũ paraph: imitatus ita interpretatur. Apparuerat ei angeli. Quod ſiquis nihilominus utrobique de ipſo Deo agi contendat, conſideret locum illum 1. Sam: 28. 13. Deos vidi a- ſcẽdentes de terra, ubi non de Deo, ſed de alia re quadam erat ſermo, quam tamen unam tantummo- do fuiſſe demonſtrat relativum ſequens numeri ſin- gularis, ut rectẽ ibidem annotat Vatablus, qui pro- pterea affirmat, nomen Elohim vertendum fuiſſe Deum, non Deos. Nam quod Nicolaus de Lyra ait, Saulem, quamvis ii qui apparuerant duo eſſent, de uno tamen quaſiſſe, quia de uno Samuele curabat, id plane nugatorium eſt, ut unicuique locum legen- ti conſtabit. Ut enim alia omittamus, eſi Saul de uno Samuele curabat, non tamen ſi duos aut plures eos qui apparuerant, eſſe intellexiſſet, de uno tan- tum quaſiſſet, ſed de omnibus, ut videret an inter eos Samuel eſſet. alioqui potuiſſet mulier illa formam unius ei deſcribere, qui Samuel non eſſet, ex quo fi- eret, ut Saul aut non crederet Samuelem apparuiſ- ſe, aut ſaltem adhuc incertus eſſet, & iterum quere- re debuiſſet. Nec enim ex mulieris verbis, ſi de plu- ribus locuta fuiſſet, unum ex iis qui apparuerant,

vel pri-

vel primum, ut Lyrano placet, apparuisse, vel ita excellere colligi poterat, ut ipsam de uno interrogatam, de illo uno, tamquam de eo, qui evocatus fuisset, responsuram omnino credendum esset, nec si perse jam eam optimè Samuelem nosse, vel agnituram existimasset Saul, de ejus forma ab ea quesisset, sed simpliciter an Samuel esset interrogasset. Quod si de ejus fide dubitasset, non minùs ab ea se falli posse suspicatus esset in referendo, quenám persone formam, quàm, que ipsa persona esset. Ex quibus omnibus efficitur, ut & unum tantummodo fuisse, quem mulier se vidisse dixerat, intellexerit Saul, & cum eam habitum, & formam Samuelis non bene cognitam habere putaret, de illius forma, qui unus ipsi apparuerat, eam interrogaverit, ut vel hac ratione, an Samuel is esset, & an ab ipsa, que se Samuelem evocaturam promiserat, deciperetur, manifestè deprehenderet. Patet igitur nomen Elohim verbo numeri pluralis junctum nullam personarum pluralitatem significare. Quod idem evenire exemplo aliorum nominum ostendi potest, cum jungitur adjectivis plurali numeri, nam apud Ezech: cap: 46. v. 6. vitulum seu juvencus filius bovis, & numeri, & significationis singularis, jungitur adjectivo Immaculati, seu Perfecti, numeri pluralis. Sic enim ibi ad verbum scriptum est. Et in die novilunii [offeret] vitulū (sive juvencū) filiū bovis immaculatos (sive perfectos). Quod enim Lyranus, ut hoc testimonium eludat, ait nomen hebreum themimim esse genitivi casus, & locum hoc pacto verti debere, vitulum de armenti

immaculatorum, sive hanc esse loci sententiam, id
 prorsus nihil est, cum nulla ibi mentio armenti fiat,
 & necesse sit, ut vel ad bovem, vel ad vitulum id no-
 men referatur, sed ad bovem referri non debere ex
 eo intelligi potest, quod non satis erat bovem, ex quo
 natus esset vitulus, immaculatum esse, sed ipsum vi-
 tulum omni vitio carere oportebat. Præterea nemo
 est, qui nesciat, filium bovis idem planè esse quod vi-
 tulū, qui ad eum modū $\omega\epsilon\rho\iota\phi\rho\alpha\varsigma\iota\kappa\omega\varsigma$ in lingua
 hebræa nominatur, adeò ut nomen Bovis in ea ap-
 pellatione per se non consideretur. Ad vitulum igitur
 nomen illud adjectivum referendum est. Verùm
 sive ad bovem, sive ad vitulum referas, dicimus geni-
 tivi casus esse non posse. neque enim mos est lingue
 sanctæ, ut adjectiva nomina hac ratione cum sub-
 stantivis jungat, ita ut hoc loco idem sit Immacu-
 latorum, quod Ex immaculatis. Quo tamen loquen-
 di modo si hic uti voluisset scriptura, non videtur du-
 bitandum, quin Miththemimim dictura fuis-
 set. Iunguntur igitur aliquando in lingua sancta ad-
 jectiva pluralis numeri substantivi, non modo singu-
 laris numeri significationem habentibus, sed eti-
 am terminationem. Quid quod ipsum nomen Elo-
 him appellativè positum, & singularis omnino si-
 gnificationis, cum adjectivo pluralis numeri fuisse
 conjunctum in illis verbis decalogi, constare videtur?
 Non habebis Elohim acherim &c. quidam enim
 hebræe lingue inter Christianos peritissimi viri, ad
 hunc modum ea verba interpretari solebant. Non
 habebis alium Deū. Quod quidem rectè factum
 fuisse

fuisse ratio ipsa omnino suadere videtur, cum Dei mens in illis verbis sit prohibere populo, ne alium quemvis pro Deo suo agnoscat præter se Iehovam, & verbum singulari numeri, cui nomen illud jungitur, idem per se satis ostendere videtur. Siquidem in hebræo, pro Non habebis est Lo-jihjæh-lecha Nō erit tibi. Caterum tamen si satis probatum videtur, posse nomē Elohim verbis & adjectivis numeri pluralis jungi, absq; ulla pluralitatis personarum significatione, non abs re tamen erit, monere lectorem, quod attinet ad locum illum a Lyrano citatum 2. Sam: 7. 22. Quæ est &c. gens una in terra cujus ierint Elohim, &c. quamvis 1. Paralip: 17. 21. idem locus i vit habeat, & Hælohim cum 7 scilicet, ut appellant, notificativo, quæ duo de solo Iehovæ sermonem esse confirmant, posse tamen dici, propter pluralitatem deorum, quos aliæ gentes colebant, de quibus ibi loqui voluerit David. id factum fuisse, sive potius numerum illum pluralem distributive explicandum esse, ac si dictum fuisset: Qui vixit cuiusvis gentis Deus. Quod verò ad testimonium illud pertinet ab eodem Lyrano prolatum, Hier: 23. 36. Pervertistis verba Elohim chaijim &c. dicimus vocem Chaijim, non minus substantivum, quam adjectivum nomen esse posse, & cōverti fortasse ea verba debere, non Deorum vivorum, sive Dei vivi, sed Dei vitæ. Id quod planè suadet similis locus apud eundem prophetam cap: 10. v. 10. Et Iehova deus veritatis ipse Elohim chaijim &c. ubi nemo dubitare potest, quin, Elohim chaijim, vertendum sit, Deus

Deus vite. Sic enim elegantiſſima ſermonis, cum antea dictum fuerit, Deus veritatis, omnino requirit. Et quando jam ſepius Lyranus dicta, vel ab eo allata teſtimonia aut conſutavimus, aut diluimus, opere pretium fuerit, quandam ipſius argumentationem ex pluralitate huius noſtri Haelohim, & vocum ipſi junctarum, ad pluralitatem perſonarum in Deo confirmandam, recitare, eamq; pauſis refellere. Sic igitur ſcribit. Intentio Moysi erat inducere populum ad cultum unius Dei, & ipſum ab idolatria revocare, ad quam ille populus erat pronus, ut patet ex toto diſcurſu veteris teſtamenti. Cum igitur per modum predictum loquendi in plurali, poſſit haberi aliqua occaſio cogitandi abſolutam pluralitatem in divini, non eſt veriſimile, quod Moyses cognoscens pronitatem populi ad idolatriam, uſus fuisset tali vocabulo, vel modo loquendi, & in ſcripturis reliquiſſet; niſi per hoc ſubtiliter ſapientibus indicare voluiſſet, quod cum unitate ſimplicis eſſentie in Deo ſtat pluralitas perſonarum. aliter enim ſuus modus loquendi eſſet contrarius ſue intentioni. Eſt autem ſciendum, quod in hebraico myſteria abſcondita, & ſolum ſapientibus nota, ex modo ſcribendi inſuetudine frequenter designantur. Haecenus Lyranus. Nos autem dicimus primum nullo modo conſtare, vocabulum illud, & eum loquendi modum a Moſe inſeructum fuiſſe, ſed plane veriſimile eſſe, ipſum in vocabulis, in quibus loquendi modis fuiſſe uſum, quibus populus loquendo uti ſolebat. Sic enim ſolent hiſtorici omnes, quibus, ſi aliter faciant, ſummo vitio datur. Deinde

etiamsi concederetur, Mosen illud vocabulum, eumq;
loquendi modum primum usurpasse, vel saltem, licet
parum admodum utrumque usitatum, in scripturis
relinquere voluisse, non tamen continuo ejus rei eam
fuisse causam dicendum esset, quam Lyranus affert.
Potuit enim alia esse, eaq; & apertior, & scopo illi
populū ab idololatria revocandi, magis consentanea.
Nempe quod videns Moses gentem illam plurali-
tati deitatum credenda addictam esse, voluerit Ie-
hovam illum verum ipsorum deum, quem unum
tantummodo esse disertè scriptum, relicturus erat,
plurali numero nominare, deque eo tamquam de
pluribus aliquando loqui, ut moneretur populus,
pluralitatem illam deitatum, quam ipsi animo con-
ceperant, totam in eo uno Iehova esse, qui omnes
potentias, omnes virtutes, omnes efficacitates, o-
mnesq; gubernationes, vel in seipso solo contineret,
vel sibi uni penitus subjectas haberet, quas ipsi & in
plures distribui necesse esse, & ad unum omnino ca-
put, ad unum principem & dominatorem redigi &
referri non posse, sibi antea persuasissent. Hæc popu-
lum secum expendere, & intelligere potuisse nemo
negaverit. Quæ verò Lyranus excogitavit, ea, ut
ipsemet imprudens fatetur, solis sapientibus, & ex-
cellenti ingenio præditis in mentem venire poterant.
Quomodo igitur non idem scrupulus remanet, quod
Moses, cum ab idololatria populum revocare vellet,
in ipsa idololatria persistendi ei non levem occasio-
nem dederit, de Deo tamquam de pluribus loquen-
do, si ideo ita locutus est, ut mysterium illud de una
essentia

essentia divina & pluribus personis indicaret, quod non a populo quidem, sed ex ipso populo a perpaucis quibusdam vel intelligi, vel etiam animadverti poterat? Sed jam Lyranum missum faciamus, quem refellere idcirco volumus, quòd nemo diligentius ex iis, quos vidimus, & quatenus res ipsa fert, acutiùs in argumento hoc a nomine Elohim ducto confirmando, versatus fuisse videatur. Atq; per ea que dicta sunt volumus ad ea quoq; testimonia responsum esse, in quibus Deus numero plurali factores Israël & populi sui nominatur, ut Psal: 149. 2. & Esai: 54. 5. Nam quòd ibidem apud Esa: Boalajich id est, viri, sive domini tui, de uno Iohova dictum est, jam eodem prorsus modo de homine uno scripturam loqui, loci in initio supra citati manifestum facere possunt. Non erat autem, nisi imperitorum rationem habere voluissemus, in argumento hoc adversariorum confutando ex nomine Elohim tracto, tantopere laborandum, cum nonnulli ex ipsis ejus infirmitatem agnoverint, præsertim verò Iohannes Calvinus, qui sine dubio nulli ipsorum nostra etate doctrina ingeniiq; acumine secundus fuit, quiq; si Theodoro Beze credimus, doctissimus inter sacrarum litterarum interpretes appellandus est. Is igitur in explicatione eorum verborum, In principio creavit Deus &c. sic scribit. Nomen Elohim pluralis numeri habetur apud Mosem, unde colligere solent, hic in Deo notari tres personas. Sed quia parum solida mihi videtur tantæ rei probatio, ego in voce non insistam. Quin potius monendi sunt lectores, “

2) flores, ut sibi a violentis eiusmodi glessis abstineant.
 2) Putant illi se testimonium habere aduersus Arianos
 2) ad probandam filii & spiritus diuinitatem, inerea
 2) se involvunt in errorem Sabellii. Quia postea subi-
 2) cit Moses, Elohim locutum esse, & spiritum Elohim
 2) incubuisse aquis. Si tres personas notari placet, nul-
 2) la erit earum distinctio. Sequetur enim & filium a
 2) se ipso genitum, & spiritum esse non patris, sed sui
 2) ipsius &c. Cum igitur ipsi aduersarii hanc assump-
 2) tionis argumenti sui probationem non magni faci-
 2) ant, multa consulto prætermittentes, que ad eam re-
 2) fellendam adhuc dici possent, jam ad alias excuti-
 2) endas transeamus.

Secundò igitur eam ex eo probare conantur,
 quòd Deus ipse de se uno tamquam de pluribus lo-
 quatur. Id autem quibusdam scriptura locis allatù
 demonstrare nituntur. Primò enim afferunt locum
 illum Gen: cap: 1. v. 26. Et dixit Deus: Faciamus
 hominem in imagine nostra, secundum simi-
 litudinem nostram &c. Quis enim, inquit,
 non videt, idcirco de seipso Deum numero plurali su-
 esse locutum, quòd Deus & unus sit, & plures? Nam
 quod, ajunt, quidam dicunt, Deum angelos alloquu-
 rum fuisse, id nullo modo verum esse potest, cum nus-
 quam homo ad similitudinem, aut imaginem ange-
 lorum factus esse dicatur, sed ubiq; ad imaginem
 Dei, & nefas, adeoq; sacrilegium sit, angelis vel
 minimam quidem partem creationis attribue-
 re. Nos, quamquam non asserimus hoc loco Deum
 cum angelis locutum fuisse, non tamen ita absurdum
 esse statuimus, affirmare, hominem ad imaginem, &

similitudinem angelorum fuisse creatum, & partem aliquam angelos in hominis creatione habuisse, ut isti faciūt. Primum enim quod attinet ad illam imaginem, sive eam in mente rationeque potissimum consistere dicamus, certissimum est, nos in hac parte angelorum simillimos esse, qui ratione & mente sunt præditi, sive ad imperium & gloriam, quam homo in hoc mundo habet, eam referamus, apparet in hac quoque parte hominem angelorum esse similem, qui sine dubio non levi sunt gloria præditi, & imperium habent. quod vel ex eo aperte colligi potest, quod a sacris scriptoribus throni, dominationes, potestates, principatus, virtutesque appellantur. Neque enim istas appellationes non angeli sancti, sed demonibus tantum tributas fuisse propterea dicendum est, quod 1. Cor. 15. v: 24. scriptum sit, Christum aboliturum omnem principatum, & potestatem, & virtutem. Dictio enim universalis Omnis, ad eos tantum principatus, & potestates, atque virtutes referenda est, que, ad regnum Dei & Christi perficiendum, ut aboleantur necesse est, & adhuc Deo & Christo adversantur. Quæ si cum aliis, que id regnum non detrectant, sed ipsum Deum & Christum pro rege agnoscunt, comparentur, solæ eo nomine propriè appellari posse videntur, non quidem ob majus imperium quod habeant, sed quia inter Dei Christique voluntarios subditos non numerantur, & potestatem qua sunt prædita, tamquam si neutri illorum subiectæ forent, quin etiam contra utriusque voluntatem, & gloriam perpetuo exercere conantur, cum

Ephes. 6. 12.

sancti angeli contra, & si non dicam majore, sed tertè non minore imperio potentiuntur, Deo tamen & Christo subjectos se esse agnoscant, & illorum jussa exequi sint paratissimi, idq; unum perpetuò curent. Atque hac ratione id quoque sententiæ nostræ non obstare dicimus, quòd ait idem divinus scriptor, collocationem nobis non esse adversus carnem & adversus sanguinem, sed adversus principatus, & potestates &c. & quidem tantò minùs, quantò in hoc loco Paulus indefinitè, in superiore verò universaliter loquitur. Idemq; dicimus de aliis sacri testimoniis, si qua sunt ejusmodi. Ex quibus cum intelligi debeat, demones, sive malos angelos imperio pre-ditos esse, quos, postquam peccarunt & a Deo desciverunt, id consecutos fuisse, ab omni prorsus verisimilitudine abest, consequens est, ut intelligamus etiam, angelos, qui boni esse perseverarunt, nec unquam a Deo defecerunt, pari saltem imperio potiri. Hoc autem propter eos dictum volumus, qui sanctis angelis Dei supradictas illas appellationes tributas unquam fuisse, contra receptissimam sententiã, testimoniis freti modò pro eorum opinione confirmanda allatis, negare pergant, & quamvis ea a nobis diluta fuerint, id tamen nobis concedere nullo pacto velint, confisi prætere a verbis illis Petri ad finem cap. 3. prioris epist. subjectis sibi angelis, & potestatibus, & virtutibus, ex quib^o constare putent, angelos potestatum & virtutum appellatione non contineri, & ita angelos, potestates aut virtutes non esse. Quod etiam si verum esse concederetur, non propte-

propterea tamen probatum fuisse, angelos non esse
 thronos, dominationes, aut principatus, sub quibus
 nominibus Paulum angelos intellexisse necesse est,
 cum ad Eph: & Col: scribens, & ea enumerans, Eph. 1. 21.
Col: 1. 16.
 que per Christum sunt condita (quod quid sibi velit
 suo loco videbimus) & illi a Deo subjecta fuere, an-
 gelorum alioqui nullam apertam mentionem faciat,
 quos tamen in earum rerum numero esse compertis-
 simum est. Sed nihil impedit, quominus a generali
 appellatione angelorum, quidam potentiores, &
 magis insignes angeli a Petro sejuncti fuerint. Nam
 & ipse Petrus propterea, quia ceteris Christi disci-
 pulis & apostolis quadam ratione antecellebat, a ge-
 nerali eorum appellatione sejunctus fuit. Mar: 16. 7.
 & 1. Cor: 9. 5. Non igitur, ut ad propositum rever-
 tamur, ita absurdum censendum est, ut adversarii
 opinantur, si quis dicat, hominem ad imaginem an-
 gelorum creatum fuisse, quamvis id nunquam diser-
 te scriptum extet. Quamquam satis id expressum in
 sanctis litteris videtur, cum in Psal: 8., ubi de divina
 in homine imagine preclare cecinit regius vates, ex
 auctoris epistole ad Heb: interpretatione scriptū sit:
 Minuisti eum paullo minus (sive paulisper) ab Heb: 2. 7.
 angelis. Ex quo hominis encomio clare liquet, par-
 vam sive temporariam inter hominem & angelos dif-
 ferentiam extare, & idcirco, cum creatus fuit ho-
 mo, ejus rei, nempe ut angelorum similis esset, ratio-
 nem omnino habitam fuisse. Nam in futuro seculo
 pares nos angelis futuros aperte testatur Christus
 Luc: 20. 36. quo demum tempore divinam hominis
 D 5 imagi-

imaginem sui numeri absolutam fore, nemo est
 qui ambigere possit. Et hæc quidem hæctenus de si-
 militudine & imagine angelorum in homine. Quod
 verò secundo loco dicebatur, indignum esse angelos
 ulla ratione creationis participes facere, dicimus,
 quàm longissimè a vero aberrare eos qui ita ratio-
 nantur, cum apertissimum sit, Deum in creaturis,
 quorum ministerio ad opera excellentissima facien-
 da utitur, id tribuere, & cum illis communicare,
 quod ipsius proprium est. qua de re infra latissimè
 Deo volente differemus, cum de iis, quæ scriptura
 Christo tribuit, & Dei propria aut sunt, aut esse vi-
 dentur, agendum erit. Nunc ejus rei lectorem com-
 monefecisse satis fuerit, præsertim cum creatio ho-
 minis non ea fuerit, quæ solo Dei jussu sit facta, ut de
 aliarum complurium rerum creatione dici posse vi-
 detur. Nam antequam homo verè homo esset, for-
 matum primùm e terra pulvere eum fuisse legimus,
 & deinde inspiratum, sive insufflatum fuisse in fa-
 ciem, seu potiùs in nares ejus, spiraculum vitæ, id est,
 spiritum vitalem. Quæ licet a Deo facta esse dicantur,
 vix tamen fieri potest, quin angelorum ministe-
 rio in ipsis Deus sit usus, ut verba formare, seu Fin-
 gere, & inspirare seu insufflare demonstrare pos-
 sunt. Quid mirum igitur, si a quibusdam ex nostris
 asseveratum fuerit, Deum cum angelis suis loquen-
 rem dixisse, Faciamus hominem &c. ut interim
 nihil dicamus de adversariorum errore, qui putent
 verbum Creare idem ferè esse, quod ex nihilo, vel
 solo jussu facere, cum innumerabilia exempla diver-
 sa ab

ſe ab iſta huius verbi ſignificationis afferri poſſint, & vera ſignificatio ipſius ſive apud Hebraeos, ſive apud Latinos ſit, Facere ut aliquid ſit, quod prius non erat, quod perfectò ſit, cum materiei nova forma inditur, nec neceſſe eſt, ut ſolo juffu, & multo minus ex nihilo fiat. Quod tamen in ipſa cœli & terræ creatione factum fuiſſe, ex ipſo verbo Creavit ſeu Bara, plerique ex chriſtianiſ interpretibus ſe colligere poſſe ſunt arbitrati, quamvis id diſertè ſcriptum in canonicis libris nuſquam legatur. Sed de Creandi verbo, deq; ejus propria ſignificatione non eſt quòd laboremus, cum in hiſ Dei verbis, de quibus agimus, id verbum prolatum non fuerit, & ob eam rem, etiamſi cum angelis ſuis eum locutũ fuiſſe ſtatuamus, non tamen angelos creandi operis participes faciamus. Quamvis igitur Creare omnino vel ſolo juffu, vel ex nihilo facere ſignificaret, quod unius Dei proprium eſſet, nihil tamen Dei gloriæ decederet, ſi in verbis illis Deus angelos ſibi quodammodo ſocios adhibuiſſet, cum id, quatenus in homine condendo aliquid ſolo juffu, aut ex nihilo faciendum eſſet, dictum fuiſſe nullo modo conſtaret, ſed, quatenus ministerio aliquo externo opus foret, ita locutum Deum eſſe dici poſſet. Verùm demus, Deum non cum angelis, præſertim tamquam cum iis, quos ſibi ſocios in condendo homine fecerit, ſed ſecum ipſum, ſive de ſeipſo locutum fuiſſe, num propterea efficietur, Deum plures aliquos eſſe, quia dixerit Faciamus &c. numero pluralis. An nõ a noſtris ſatis reſponſum fuit, cum dictum eſt, Deum more principum loquentem a Moſe inductum fuiſſe.

fuisse, quemadmodum alia quoque per multa humano more dicens. & ab ipso, & a ceteris sacris scriptoribus inducitur? At rident ipsi hanc responsionem, & cum loquendi morem barbarum prorsus esse dicunt, & non nisi ante pauca secula receptum & usitatum. Neque interim animadvertunt, ab antiquissimis temporibus in hebraea lingua receptum & usitatum fuisse, ut nomina imperium & dominationem significantia, numero plurali pro singulari esserentur, ut ex ipsius Moysi scriptis, in locis supra citatis apertissimum est. Quod cum ita sit, non quidem barbarum & exoticum in lingua hebraica, sed & elegans, & consuetum censendum est, ut qui imperant, & dominantur, de se ipsis loquentes, pluralem numerum pro singulari usurpent. Cujus rei indicia extant aliqua in sacris literis, ut 1. Reg: 12.9. & 2. Par: 10.9. ubi Roboamus rex dicit juvenibus, qui secum educati fuerant quique ei ministrabant. Quid consulitis vos venaschib dabar id est, ut respondeam populo isti &c. Quamvis enim, cum antea a senioribus, qui Solomon patri suo ministraverant, consilium peteret, non ad eum modum locutus fuerit, sed dixerit. Quid consulitis vos lehaschib dabar id est, ut respondeatur &c.

Ex quo colligi posse videtur, propter familiaritatem, quam cum juvenibus illis a puero habuisset, tamquam eos sui regni socios & participes faciens, Roboamum numero plurali usum fuisse, considerandum est tamen multo aliter rem se habere. Non usus est Roboamus a senioribus consilium petens numero plurali de se uno loquens, quod majorem quandam auctoritatem, & potestatem praese ferre videtur, im-

mo ne de ſe ipſo quidem loquutus eſt, ſed ut reſpon-
deatur inquit, quaſi non ad ſe ſolum, ſed ad ipſos quo-
q; pertineret reſponſum populo dare, non aliam pro-
fectò ob cauſam, quàm quòd eos, & quia ſenes erāt,
atq; atate longè ipſum antecedeabant, & quia non
ſui famulitii umquam, ſed patris viri præſtantiffimi
& ſapientiffimi diu fuerant, vel reverebatur, vel ſe
reuereri profiteri volebat. A juvenibus verò illi, qui
nec ipſo grandiores erant, & ipſi privatim ſervie-
bant, conſilium petiturus, non erat quòd aliqua mo-
deſtia uteretur, ſed cum auctoritate, & pro majeſta-
te regia loqui decentiffimè poterat, ideòq; numero
illo plurali eſt uſus. Nam & Rex Iſraelis Achabus cū
ſervis ſuis verba faciens, eodem modo loquutus eſt.
Inquit enim: Scitisne, quòd noſtra ſit Ramoth
Gilead? Nos autē ceſſam⁹ tollere illā de ma-
nu regis Syrię. Quod quidē non ob ſummā aliquam
familiaritatem, quam ſecum ipſius ſervi haberent,
nec quia ipſe eos tamquam ſocios & participes re-
gni ſui agnoſceret, ab Achabo factum fuiſſe dici po-
teſt, ſed ut, quemadmodum regem cum ſervis ſuis lo-
quentem decebat, cum auctoritatis, & imperii qua-
dam ſignificatione verba ſua proferret. Quod ſi dicas
in hiſce exemplis conſtare, illos reges cum aliquibus
eſſe locutos, in loco autem noſtro nihil dici, unde ap-
pareat, Deum cum quopiam fuiſſe locutum, iſtud ni-
hil eſt. Satū enim eſt eos reges numero plurali de ſe
ipſis, & tamquam perſonam unam locutos eſſe. Ex
quo id ſaltem efficitur, potuiſſe Deum de homine cre-
ando cum angelis ſuis tamquam perſonam unam lo-
qui, &

1. Reg. 22.
v. 3.

Et Ad argumenta pro Trinitate

qui, & nihilominus tamen plurali numero uti. Nec
verò præterea abs re erit (si tamen omnino velimus,
reges tunc temporis numquam in numero plurali de
seipsis locutos fuisse, nisi cum in consilium aliquo mo-
do alius adhiberent) existimare, Deum de homine
condendo statuentem, numero plurali loquentem a
Mose inductum fuisse, ut, quanti momenti hominis
creatio esset, indicaret, quam scilicet non satis pro
rei dignitate explicaturus fuisset, nisi Deum huma-
no more tamquam de ea consultantem, seu consul-
tatione precedente decernentem fecisset. Verùm ab
ii, qui auctoritate polent & eam præ se ferre vo-
lunt, ob id solum cum de seipsis loquuntur, numerum
pluralem pro singulari usurpari demonstrat apertè

Ioh: 3. 11.

Christus, qui apud Ioh: cum Nicodemo sic loquitur.

- 11 Amen amen dico tibi, quia quod scimus loquimur,
12 & quod vidimus, testamur, & testimonium nostrum
13 non accipitis. Nam de seipso solo Christum loqui, cum
res ipsa apertè docet, nemo enim erat quem sibi so-
14 cium ea in re facere posset, tum sequentia verba de-
15 clarant. Inquit enim: Si terrena dixi vobis, & non
16 creditis, quomodo si dixerò caelestia creditis? Et nemo
17 ascendit in caelum, nisi qui descendit de caelo &c. &
18 in fra de eo ait Baptista, Qui de caelo venit, super o-
19 mnes est. Et quod vidit, & audivit hoc testatur, &
20 testimonium ejus nemo accipit. Idem Christus Marci-
21 cap. 4. v. 30. Cui assimilabimus inquit regnum Dei,
22 aut cui parabolè comparabimus illud: cum tamen de
23 se uno loquatur, ut patet ex Luca cap: 13. v. 18. qui ita
24 habet: Cui simile est regnum Dei, & cui assimilabo
illud

Ioh: 3.

v. 32.

illud Quod autem Chriſtus eam auctoritatem, qua
 præditus erat, in verbis ſuis præſe ferret, oſtendunt
 manifeſtè omnes ejus conciones, & ſermones, & di-
 ſerte teſtantur evangeliſtæ, qui eum non tamquam
 ſcribas, ſed tamquam auctoritatem habentem docu-
 iſſe affirmant. Sed quid opus eſt, vel ad uſum hebrææ
 lingue, vel ad morem loquendi eorum, qui auctori-
 tate, & dominatione ſunt præditi, confugere, cum a-
 pud ipſos grecos & latinis frequentiffimum ſit, ut
 privati homines cum de ſeipſis loquantur, plurali
 numero pro ſingulari utantur? Locos citare, vel au-
 ctoreſ nominare non attinet, cum hi omnes ſint, ut
 quidem arbitror, qui aliquo numero habentur, illi
 verò ubique paſſim ſint obviæ, adeò ut rem ipſam
 commemorari ſufficiat. Id tantum dixiſſe prætere-
 a volumus, quò probatiores ſunt auctoreſ, eò frequen-
 tiùs hac loquendi figura uſos fuiſſe, præſertim cum de
ſe ipſis quadam cum dignitate, & orationis appa-
 ratu loqui voluerunt, ut in Xenophonte, & Cicerone
 apparet. Quorum ille in præmio egregii illius operis
 de majoris Cyri inſtitutione, & in præſatione libelli
 de re equeſtri, de ſe ipſo loquens, perpetuò numerum
 pluralem uſurpat. Hic verò in exordio complurium
 ſuorum librorum de ſe ipſo verba faciens, libentiùs
 plurali, quàm ſingulari numero uti videtur. Quocir-
 ca ſatis mirari non poſſumus adverſarios noſtros, quò
 uſum hunc plurali numero de ſe ipſo loquendi bar-
 barum, & recens inductum appellare non dubita-
 verint, cum potiùs, ſi & non prorsus ineruditè loqui,
 & in ſpeciem ſaltem non planè ineptè nobis reſpon-
 dere vi-

Mat: 7. 29.

Mar: 1. 22.

Luc: 4. 32.

dere videri voluissent, dicendum illis fuisset in lingua quidem politioribus & excultioribus, qualis est græca & latina, eum usum jam a quàm plurimis seculis invaluisse, & tunc maxime, cum maxime florerent, at verò in rudioribus & incultioribus, qualis hebræa est, ejusmodi orationis figuras atque pigmenta non obtinuisse. Et sanè ejus usus exempla, que, ut diximus, in græca & latina lingua frequentissima sunt, in hebræa admodum sunt rara, & fortasse non nisi, cum ù, qui de seipso loquitur, imperio aut auctoritate aliqua insigni est præditus, cum apud græcos & latinos, tametsi, ut diximus digniorem orationem efficere videatur, modestiam tamen quandam simul præ se ferre videri possit, quasi ù, qui de seipso loquitur, sibi ipsi soli nihil vindicare audeat, sed in omnibus, que dicat aut faciat, socios & adiutores quosdam habere se profiteatur. Quod si hunc usum tum demum novum & barbarum esse dicere se voluisse affirmant, cum quis tamquam imperium habens loquitur, vix enim in lingua græca & latina aliter, quàm singulari numero ejusmodi personam sustinentes, apud probatos auctores loquentes inveniri, jam satis est probasse, in hebræa lingua, de qua nobis agendum est, illum & elegantem nec inusitatum censeri debere. Verùm enimvero aliud adhuc est, quod in adversariis nostris multò magis mirati sumus, unde intelligi potest, quid studium suæ defendendi aliquando homines facere quodammodo cogat, & quàm miserè illos excæcare soleat. Nam dicant, obsecro, si ita omnino locus ille legendus est:

Faci-

Faciamus hominē &c. ut ipſimet tacitè conſen-
 tur, quānām ratione idem planè ſenſus eadēque
 verborum viſ numero ſingulari exprimi potuiſſet?
 Num ſi dictum fuiſſet, Faciam? At iſtud futuri tem-
 poris fuiſſet, & decretum loquentis ſimpliciter ſi-
 gnificaiſſet, Faciamus verò & præſentis temporis eſt,
 & ſimul cum decreto cohortationem quandam, ſui
 ipſius præcipuè, continet. In nulla autem celebri lin-
 gua receptum eſt, ut quis ſeipſum ad aliquid facien-
 dum ſimplici verbo cohortari, numero utens ſingula-
 ri, poſſit, niſi cohortandi vox ipſa exprimat, ſed ſo-
 lo plurali numero id poſſe fieri contingit ſine ulla e-
 jus, qui loquitur, pluralitatis ſignificatione. Num-
 quid cum Hannibal apud Livium venenum ſponte
 ſumpturus ait, Liberem⁹ diuturna cura populū
 Romanū, aut cum Ariſtoteles in initio libri de Po-
 òtica ſic ſcribit, De poëtica, ipſaq; &c. dicamus,
 incipiētes primū a primis, vel in Hānibale, vel
 in Ariſtotele pluralitatem aliquam fuiſſe ſignifica-
 tur? Sed quid plura opus eſt, cum neceſſe omninò ſit,
 ſi adverſarii argumentum, quod ex numero illo plu-
 rali ad pluralitatem in Deo probandam duxere, ab
 hac noſtra impugnatione defendere velint, eos inge-
 nuè fateri, ſe non uno modo, nec leviter lapſos fuiſſe,
 & non Faciamus, ſed Faciemus eo in loco legen-
 dum eſſe? At verò ſi huc conſugerint, nihil efficiē-
 ejus, quod querunt ſatis enim convulſum eorum ar-
 gumentum fuerit, ſi oſtendatur, verbum hebraicum
 Naaleh futuri temporis, Faciamus rectè verti poſ-
 ſe, ita ut eo verbo cohortatio illa ſui ipſius exprima-

Deo. 4.
 lib. 9.

tur. Id autem nullo negotio fiet, nam præterquam quod certissimum est, hebræos loquendi modum illum futuro exprimere, cum alioqui id præstare nequeant, & ejus rei innumerabilia extant exempla, omnium ferè interpretum consensus id aperte ostendere videtur, inter quos septuaginta illi, etsi per futurum verbum illud verterint, modo tamen, ut vocant, subjunctivo extulerunt, nimirum ut cohortationem illam sui ipsius exprimerent. alioqui indicativo extulissent, & non *τοῖνσ' ὡμειν* ut fecerunt, sed *τοῖνσ' ὡμειν* scriptum reliquissent. Quid igitur solidi ad assumptionem argumenti sui probandam, id est, ad demonstrandum scripturam Deum plures esse ostendere, ex eo verbo, & ex numero plurali, qui in ipso, & in coherentibus vocibus continetur, elicere possunt adversarii, cum ita id verbum interpretari aut debeamus, aut certè possimus, ut quilibet singularis homo de se uno loquens, si idem prorsus dicere voluisset, aliter loqui nullo pacto potuisset? Ex his autem, quæ dicta sunt, satis, superque responsum videtur ad locum illum Gen: 11. 7. Venite descendamus & confundamus &c. quem locum adversarii superiori adjungunt, & ex eo non minùs, quàm ex illo sententiam suam confirmari posse putant, cum tamen præter ea, quæ a nobis ad superius testimonium diluendum allata fuère, quiddam ad hoc nominatim refellendum dici possit, & quæ ibi diximus, hic magis indubitata censi debeant. Observandum est enim hoc loco, paullo superiùs ab hominibus illis urbem & turrim construere volentibus dictum fuisse,

fuiſſe, Venite faciamus lateres, &c. & iterum,
 Venite faciamus nobis civitatem, & turrim.
 Unde καὶ τὸ μίμνησιν quandam, ea verba a Deo, qui
 ſimul eos irridere, & eorum incaptum atque con-
 atus irritos ſe facturum dicere volebat, prolata fuiſſe
 planè veriſimile eſt, adeò ut etiã ſi ſecum ipſum, &
 de ſeiſpo tantùm locutum Deum fuiſſe ſtatuamus,
 nullam tamen pluralitatem in ipſo per numerum il-
 lum pluralem ſignificari appareat. Et hoc illud erat,
 quod ſuperioribus reſponſionibus in hoc testimoniò
 diluendo addi poterat. Id autem, quod ſupra de an-
 gelis dictum fuit, hic tantò rectiùs dici poteſt, quan-
 tò in confundenda lingua eorum hominum veriſi-
 milius eſt, Deum angelorum opera uſum fuiſſe,
 quàm in homine condendo, cum nulla hìc prorsus ſu-
 ſpicio ſacrilegii futura ſit, ſi ejus operis, linguam ſci-
 licet hominum confundendi, angelos participes faci-
 amus, per quos multò præſtantiora opera Deum ſa-
 piùs paſſe compertum eſt. Quod verò de numero
 plurali ſingularis loco uſurato diximus, hìc plauſi-
 bilius multò videri poteſt, cum Deus hoc loco mani-
 feſtè, tamquam imperium & auctoritatem habens,
 loquatur. Quãquam cum nos imaginem illam divi-
 nam in homine, imperium, quod in cætera inferiora
 illi conſeſſum fuit, potiſſimùm ſignificare perſuaſi-
 ſimus, non minùs ibi, quàm hìc, imperiù in ſuis ver-
 bis ſignificationem dare Deum decuiſſe cenſemus.
 Sed quid tandem de neceſſitate illa numeri pluralis,
 in ſui ipſius cohortatione dicemus, cum hìc nulla ra-
 tione negari poſſit, modum illum loquendi omnino

extare? Idenim planissimū facit vox hebraea, Habah quam palām est, et si imperativus sit numeri singularis verbi Iahab, quod dare significat, idem tamen in hoc & similibus locis valere apud hebraeos, quod Age apud latinos. Hoc autem ideo libentius a nobis dictum fuit, ne quis propter vulgatam lectionem, quae, ut vidimus, Venite habet, cui astipulatar versio graeca, in qua δὲ ὕτ ε; & Tigurina editio, in qua Agitedum legitur, plurali numero eam cohortandi vocem a Mose scriptam fuisse sibi persuaderet, quod non sine mysterio, sed ad pluralitatem illam in Deo, multo etiam evidentius quā in illis verbis Faciamus &c. indicandam, ab ipso factum esset. Qui scrupulus omnino cessat, cum, ut diximus, non plurali, sed singulari numero, nec aliter, quā fieri soleat, cum quilibet nostrum seipsum cohortari vult, ea vox enunciata fuerit. Quae tamen si plurali numero enunciata fuisset, non modò firma adhuc maneret responsio illa, quòd Deus angelos suos allocutus fuisset, sed alia praeterea non pauca pro responsione afferri possent, quae explicare opus non est, praesertim, cum jam alium quendam locum excutiendi tempus videatur.

Itaq; pro tertio adversariorum ad hoc secundum argumentum confirmandum testimonio, afferri possunt verba illa Dei apud Esaiam cap. 6. v. 8. Quē mittam, & quis ibit nobis? Hic enim Deus, inquit adversarii, qui de se ipso numero singulari loqui incipit, sermonem deinde numero plurali absolvit. Ex quo, ajunt, omnino intelligi debet, Deum de se

de ſe uno tamquam de pluribus loqui, & proinde ipſum Deum & unum, & plures eſſe. Iam verò ſi adverſarii hoc teſtimonio uti volunt, necesse eſt, quemadmodum etiam ex iis, que dicenda ſunt, manifeſtum fiet, ut ſententia illorum verborum, Quis ibit nobis? ſit, Quis ibit ante faciem noſtram? ut alibi loquitur ſcriptura, ſive, Quis ibit tamquam miſſus a nobis? Quis ibit pro nobis, id eſt, ut nobis hac in re ſerviat, ſive loco noſtrum? Verùm vix credimus locum inveniri, quo iſte aut ſimiles interpretationes confirmentur, in quo ſcilicet Lanu (quod redditum fuit Nobis) ſive aliud ſimile pronomen, cui præpoſita ſit littera \beth junctum verbo Ire ſive Ialach, aut Halach, apud hebræos ejuſmodi ſignificationem habeat, quam alioqui habere poſſe nõ negamus. ſed demus inveniri, & iſtas, aut ſimiles ſententias verbis optimè convenire. Quid tum? Nonne ſatis a nobis ſupra probatum fuit, pluralem numerum, non in hebræa tantum, ſed in græca quoque & in latina lingua, cum quis de ſe ipſo loquitur, pro ſingulari paſſim uſurpari? Nam quòd hic Deus primum ſingulari, deinde plurali numero de ſe ipſo verba faciens, uſus fuerit, id nihili faciendum eſt. Chriſtus, ut ſuprà vidimus, cum Nicodemo de ſe uno loquens, primum numero ſingulari, deinde verò plurali eſt uſus, & rursus ad ſingularem poſtea reverſus eſt. Paulus e diverſo de ſe uno ſine dubio verba faciens, primum numero plurali dixit, Per quem accipimus gratiam & apoſtolatum &c. Deinde numero ſingulari utens ait: Gratias ago Deo

meo &c. ad Rom. cap: 1. v. 5. & 8. Plutarchus in proæmio vite Thesci, de seipso primùm singulari numero loquitur, deinde verò plurali. Cicero ita numerum pluralem cum singulari miscet, ubi de seipso verba facit, ut sæpe in eadem periodo utroque numero utatur, veluti in præfatione primi libri de natura Deorum, ubi sic ait, Multum autem fluxisse video de libris nostris, quos complures brevi tempore edidimus. Quo in loco, non in eadem periodo solùm, sed in eodem ipso membro orationis, a singulari numero incipiens in pluralem desinit, & cum Video, Nostris conjūgit. Rursum a plurali in singularem desinit eadem in periodo, non multò post, cum inquit. Nam cum otio langueremus, & is esset reipub. status, ut eam unius consilio, atque cura gubernari necesse esset, primùm ipsius reipub. causâ, philosophiam nostris hominibus explicandam putavi. Non est igitur quod ex mutatione numeri aliquid indubitatùm colligere possint adversarii, nisi numerum pro numero positum fuisse. Caterùm nos aliam loci sententiã esse arbitramur, quàm putent ipsi, & idem esse plane credimus, Quis ibit nobis? atque, Quis ibit ex nobis? In hanc autem sententiã lingue sancte proprietates, & hoc loco mira quedam elegantia, venire nos cogit. Lingua enim hebræa satù frequenter utitur Ire sibi, pro Ire simpliciter, & aliquando eo prorsus sensu quo hic verbum illud positum est, ut exempli causâ apud Hieremiã cap: 5. v. 5. Elechach li, Ibo mihi ad magnâtes, & alloquar eos, quam
 phra-

phrasim, in linguam quoque Italicam & Gallicam derivatam fuisse, animadvertimus. Cum igitur hac phrasi sanè quàm eleganti uti hoc loco vellet Esaias, & simul eam sententiã exprimeret: Qui ibit ex nobis compedio orationis aliam in super elegantiam persequi voluit, & sine dubio pro Mijelech lo mim-mænnu, dixit Mijelæch lanu. Iam si hæc nostra interpretatio, cujus nos primos auctores esse non arbitramur, quamvis a nemine eam acceperimus, vel saltem sententia, quæ ex ea colligitur, quamq; multi fortasse in illis verbis agnoscunt, admittatur, mirum in modum confirmabitur id, quod in sequenti adversariorum testimonio, examinando dicturi sumus, nempe sub pronomine Nos cum Deo loquitur, angelos, & ipsius Dei proprium quodammodo familiaritium comprehendere posse. Nam si id hic fit, ubi Deus ipse sub ea voce contineri non potest, quantum magis id ibi fiet, ubi nihil vetat, quominus ipse Deus quoque ea dictione intelligatur? Atqui certum est eum, qui omnino missurus est, numero & nomine eorum non posse comprehendere, qui tamquam ab eo missi ire possunt, & idcirco hoc loco sub dictione Nobis, ipsum Deum qui loquitur comprehendere non posse, sed tantummodo eos, qui illi ministrant. Quod si quis ex adversariis nostris, fateatur quidem huius loci sententiã eam esse, ac si dictum fuisset, Quis ibit ex nobis? sed non tamen sub dictione Nobis Dei angelos atque ministros contineri, sed plures illas personas in Deo tantummodo significari, jam hoc simpliciter dictum falsum esse constabit, cum una ex

illis personis eo numero contineri nequeat, quippe
 qua numquam tamquam missa eat, sed solum mit-
 tat. Itaque ea sententia admissa, semper verum erit
 eum, qui hic loquitur a numero eorum, quos dictio
 Nobis complectitur, penitus excludi. u enim sine
 dubio loquitur, qui mittit, cum dicat, Quem mit-
 tam? Sed perquam absurdum esset de personis illis
 tantum, quas aduersarii intelligunt (etiamsi verum
 esset eas in Deo reperiri) vocem illam debere expo-
 ni, si concedatur idem esse, Quis ibit nobis? quod
 est, Quis ibit ex nobis? Primum enim quereretur
 pater quem missurus esset, cum non modo ad duas
 tantum personas filium scilicet & spiritum sanctum,
 eius verba referri possent, que tamen verba multo
 plures, qui mitti possint, indicare videntur, sed etiam
 ad solum filium referenda essent, cum, etiamsi spiritus
 sanctus mittatur, numquam tamen mittatur, nisi ut
 consoletur, ut excitet, ut confirmet, ut mentis oculos
 & aures aperiat, & eiusmodi alia faciat, non au-
 tem ut simpliciter aliquid annunciet, & multo mi-
 nus, ut velea annunciatione, vel alia quavis ratione
 eos, quibus annunciasurus est, induret, excæcet, &
 surdos efficiat, quod, ut ex ipsis mittentis, que subji-
 ciuntur, verbis clarè liquet, facere debebat, qui
 mittendus erat. Quereretur igitur pater quem mitte-
 ret, cum tamen filius solus ad id munus, ex eo nume-
 ro quem intelligeret, mitti posset. Quo quid ineptius
 existimari debeat non video. Deinde ea patris verba
 audisset Esaias, que cum filio & spiritu sancto locu-
 tus fuisset, id quod nullo modo fieri potest, aut saltem

ab omni veriſimilitudine abeſt. Fieri quidem non poſſe videtur, ſi id verum eſt, quod Trinitarii iſti ſtatuunt, opera Trinitatis ab extra, ut ipſi loquuntur, indiviſa eſſe. Sed quam iſtud eorum axioma, ſine quo tamen ruit, quidquid de indiviſa illa, & una numero eſſentia divina in tres perſonas diſtincta, commenti ſunt, ipſiſmet alicubi aſſentientibus, falſum ſit, ſuperiore libro ſatis demonſtratum fuit. Veriſimile autem nullo modo cenſendum eſt, cum nulla cauſa ſub eſſe poſſit, cur ipſe Eſaias, qui id factum fuiſſe narrat, verba, quæ divina illa perſona inter ſe loquerentur, exaudiret. quamvis potuiſſet poſtea divino patefaciente ſpiritu id noviſſe, ut alius narrare poſſet. Poſtremo quid abſurdius excogitari poteſt, quam Eſaiam ſe perſoni illi divini immiſciſſe, & querente patre, quem mitteret, dixiſſe, Ecce ego mitte me, quaſi u quoque ex numero illarum eſſet? Neque verò eſt quòd quis dicat, non patrem ſolum ſed totam trinitatem ea verba protuliſſe, & quaſiſſe quem mitteret, nempe extra ſe, aut quenam ex ſuis perſoni itura eſſet, quam ſententiam ſecuti fuiſſe videntur Tigurini in ſua editione, in qua perperam diſjunctivam particulam pro conjunctiva hoc loco repoſuerunt. Sic enim habet editio illa Quem nam mittam? aut quis ibit nobis? Nam in hebraeo prorsus eſt, Quem mittam? & quis ibit nobis? & ſatis conſtare poteſt, ſimplicem illam copulam hoc loco non diſjunctiva particula vim habere, quod per raro fit, ſed ἐξ ἑνὸς τῶν omnino eſſe, quod frequentiſſimum eſt non in hebraeo tantum, ſed in omnibus

alius linguâ. Præterea quomodo tota trinitas dicere
 potuit: Quis ibit ex nobis ipsis divinis perso-
 nis? cum, ut dictum fuit, certum esset, nō modo unam
 ex illis, nempe patrem, non ituram, sed spiritum quo-
 q; sanctum, licet aliqui ire potuisset, ad id munus, de
 quo ibi agebatur, deligi non posse. Cum igitur adver-
 sariorum ex hoc loco ducta argumentatio, agrè ad
 modum verbis convenire possit, propterea quòd lin-
 guæ proprietates & elegantia, alia ratione ea expli-
 cari concedere non videntur, quàm, ut perinde sit ac
 si dictum fuisset, Quis ibit ex nobis? & si conce-
 derent, numerum tamen pluralem pro singulari su-
 isse usurpatum, ratione & exemplo ut credamus ad-
 duci aut possimus, aut etiam debeamus: planum jam
 esse confidimus, eos hoc sacro testimonio ad sua com-
 menta confirmanda omnino abusos fuisse. Petuisset
 autem supradictis testimoniis addi locus quidam, sed
 qui magis interpretationes nostras probet, & ad-
 versariorum errorem, in pluralibus illis Dei de se lo-
 quendi modis explicandis, planè coarguat. Verba vi-
 delicet illa Dei apud Esaiam cap: 41. v. 22. & 23. in
 quibus Deus perpetuò numero plurali loquitur. Quod
 tamen pluralitatē aliquā in Deo non indicare agno-
 verunt adversarii ipsi. Ibi enim Deus socium sibi ad-
 jungit populum Israël, et propterea numero plurali
 utitur, quamvis ipse solus sit qui loquatur. Quòd si
 Deus homines terrenos & mortales sibi charos, in
 sermone socios sibi adungere non dubitat, quanto
 magis calites ipsos, immortales inquam angelos su-
 os, sibi dum loquitur socios adungere solere putandus
 est?

eſt Verùm adhuc, ut aſſumptionē illam præcipui ar-
 gumentum probent aduerſarii, id eſt, ut unum Deū plu-
 res eſſe in ſanctiſ litteris oſtendi evincant, inde ter-
 tio loco argumentantur, quòd Deus manifeſtè ſibi
 uni plures perſonas tribuat. Ex quo non ſolùm argu-
 menti aſſumptio, ſed ipſa theſis, qua habet In una
 numero eſſentia Dei plures eſſe perſonas, citra ullum
 argumentum planè aſtrui, ſi id verum eſſet, videret-
 ur. Ad id autem demonſtrandum afferuntur verba
 illa Dei Gen: 3. 22. Ecce Adam factus eſt ſicut
 unus ex nobis, ſciens bonum & malum &c.
 Hic enim nō eſt quòd quis numerum pro numero po-
 ſitum eſſe dicat, cum dicatur Vnus ex nobis, quòd
 aperte de pluribus perſonis ſermonem eſſe demon-
 ſtrat. Atqui unus Deus eſt, qui ita de ſeipſo loquitur.
 Igitur in uno Deo plures ſunt perſonæ. Nos verò di-
 cimus, tantum abeſſe ut ex hac loco evidentiùs, quàm
 ex ſuperioribus, in Deo pluralitatem illam perſona-
 rum eſſe demonſtrari poſſis, ut ex eo una ex reſpon-
 ſionibus, quas ad ſuperiores attulimus, aperte confir-
 metur. Diximus autem, in illis idcirco Deum nume-
 ro plũrali loqui potuiſſe, quia vel cum angelis ſuis lo-
 queretur, vel ſaltem eorum rationem in ſuo ſermonem
 haberet. Quod fortasſe alicui durum videri poteſt,
 cum nulla angelorum mentio fiat, ſed ſimpliciter
 ſcriptum ſit, Et dixit Deus. Atqui hic, ubi ſimiliter
 nulla angelorũ mentio ſit, ſed ſimpliciter ſcriptũ eſt,
 Et dixit Iehova Deus, cum angelis, vel certè non
 de ſeipſo tantũ, ſed de angelis quoque Deum fuiſſe
 locutum, ſatis manifeſtum eſt. Primũ enim & ſub-
 ſequent

sequentia ipsius Dei verba, & id quod verbis consen-
 tiens factum fuisse narratur, non leviter indicant,
 Deum secum ipsum locutum non fuisse. Nam inquit,
 Nunc ergo, ne fortè mittat manum suam, &
 sumat etiam de ligno vitæ, & comedat, & vi-
 vat in æternum. *Quæ verba ad angelos quorum*
ministerio ad periculum illud cavendum Deus usu-
rus erat, facta fuisse, admodum verisimile est. Pro-
pterea Franciscus Vatablus, cum aliquid omnino in
hiscè verbis post veattah, quam vocem verus in-
terpres reddidit Nunc ergo, subaudiendum sit, ait
subaudiri posse Vos angeli videte, sive cavete
ne mittat &c. Ministerio autem Angelorum
ea in re usum Deum fuisse declarat sequens nar-
ratio: Et emisit eum Iehova Deus de hor-
to Heden ad colendam terram, de qua sum-
ptus fuerat. Ejecitq; Adam, & collocavit a
plaga orientali horti Heden Cherubim, &
laminam gladii versatilis ad custodiendam
viam ligni vitæ. Deinde, si secum ipsum verba fe-
cisse Deum velimus, se ipsum solum tamen dictione
illa Nobis eum non intellexisse, id ostendere potest,
quod ipsius verba sine dubio ad verba illa serpentis
respiciunt: Eritis sicut dii scientes bonum &
malum. Poterat autem in his verbis vox Elohim,
quæ reddita fuit Di, ut quidam faciunt, & Vata-
blus non diffidetur, verti Angeli. Illud nobis certum
esse viderur, serpentem noluisse dicere eos futuros si-
miles ipsi summo Deo. Nam profectò, si id dicere vo-
luisset, ut ipsos ad comedendum ex arbore illa ma-
gis ac-

gū accenderet, & Deum invidentia, non autem deſiderio felicitatis eorum, id illis vetuiſſe apertius of-
tenderet, clariùs multò illud expreſſiſſet. Sed nihil
aliud dicere voluit ſerpens, quàm, futurum, ſi ex fru-
ctu arboris illius comediffent, ut eſſent pares cælii-
bus, & iis, qui divinitate aliqua ſunt præditi, pro-
pterea quòd boni & mali cognitionem adepti eſſent,
quæ talium propria eſt, non autem, ut hæcenus e-
rant, hac in parte cæterorum terreſtrium animali-
um & beſtiarum ſimiles eſſent, quæ ea cognitione
ſunt penitus deſtituta. Neq; enim ſerpentiſ verba e-
am vim tantummodo habere cenſenda ſunt, ut illi
miſeri ea in re ſimiles diis futuri eſſent, quòd bonum,
malumq; cognofcerent, ſed etiam, ut, quia boni ma-
liq; cognitionem haberent, tamquam dii eſſent fu-
turi. Nam quòd ex eſu fructus illius arboris boni ma-
liq; ſcientiam eſſent adepturi, id ipsis jam ſatis no-
tum erat, cum arborem ſcientiæ boni & mali eam
vocari optimè noſſent, & eâ ſcientiâ deos, ſeu cali-
tes præditos eſſe, vix fieri poteſt, quin jam ſibi per-
ſuaderent. Sed quòd, poſtquã boni maliq; cognitionem
ipſi quoq; adepti fuiſſent, tamquam dii cenſeri poſ-
ſent, id verò eos prorsus latebat. Et idcirco ſerpens
non (quemadmodum Deus deinde locutus eſt,) ait,
Eritis ſicut Dii Ladaath, ad agnoſcendum, id eſt,
in hoc quòd cognofcetis bonum & malum, ſed Eri-
tis ſicut dii Jodeej, cognofcentes, id eſt, quia
cognofcetis bonum & malum. Quòd ſi verbum co-
gnofcentes ad Deos referas, ut forte fieri debet,
& ad hunc modum locum convertas, Eritis ſicut
dii,

dii, qui cognoscunt bonum & malum, idem & quidem multò planior erit sensus, & aperè constabit id serpenti propositum fuisse, ut omnino persuaderet mulieri, si ex vetita illa arbore comedissent, futuros illos deorum similes. Quod autem quis, ed quòd boni maliq; cognitionem habeat, tanquam Deus ille summus censerì debeat, nihil est quod suadere possit. At verò eum, tanquam unum ex calitibus & divinitate quadam præditum, existimandum esse, facile est, ut quis monitus aut agnoscat, aut credat. Quare huc respiciens Deus dixit: Ecce Adam factus est sicut unus ex nobis. Ex nobis, scilicet calitibus, & qui ab iis, qui terram incolunt, lögè, lateq; disjuncti sumus. Non igitur miram alicui videri debet, hinc Deum alios calites sibi socios facere, & Nos dicendo, ipsos quoq; intelligere, cum non nisi quatenus & ipsi calum incolunt, id ab ipso fiat. Nam & ipsius quoq; Iehovæ nomine, hac ratione reliquos simul calites intelligi, non uno in loco apud sacros auctores animadverti potest, præsertim verò in Psal. 115. v. 16. Cæli cæli [inquam] Iehovæ [servati sunt] terram autem dedit filiis hominum, id est, Iehova sibi habitandum cælum delegit, hominibus verò terram incolendam attribuit. Vbi apparet Iehovæ nomine, non ipsum solum Iehovam, sed calites quoq; omnes significari, qui unà cum ipso in cælis degunt, & ipsius proprium famulitium sunt. Itaque quemadmodum ibi & similibus in locis, cum calites ab iis, qui terram incolunt distinguendi sunt, solo Iehovæ nomine eos significari

cari videmus, sic hoc loco, cum Deus ipse loquens caeli habitatores, a terræ habitatoribus distinguere vellet, Nos eos appellavit. Præterea, etiamsi vel ad serpentis verba Deo non respexisset, vel serpens mulieri dicere voluisset, fore, ut si ex arbore illa comedissent, ipsi summo Deo similes essent, ab omni tamen veri similitudine abest, Deum id ipsum factum fuisse verbis suis confirmasse. Quamvis enim videri possit, satum correctam a Deo fuisse serpentis verba, cum non Cognoscentes ut ipse, sed Ad cognoscendum dixerit, quæ correctio quanti momenti sit, supra exposuimus, adhuc tamen nimia hyperbole, eaq; insempestriva, in ejus verbis esset, si, quod attinet ad cognitionem boni & mali, Adamum sibi similem factum esse, affirmaret. Hoc fortasse videntes pleriq; eorum, qui Deum de seipso tantum locutum fuisse contendunt, non ex animo, sed per ironiam quandam ea verba ab ipso prolata fuisse dixerunt. Contra quam sententiam, quam nos omnino rejiciendam esse putamus, longum esset, & a proposito nostro alienum, si ea omnia afferre vellemus, quæ afferri possent, & illis respondere, quibus ipsi eam tutari conantur. Satum erit lectorem monuisse, primum, arborem illam ab ipso Deo appellatam esse arborem scientiæ boni & mali. Ex quo liquet, ex esu fructus illius comparatam verè fuisse boni & mali cognitionem, non seculus atque ex esu arboris illius, quæ ab ipso Deo vitæ arbor appellata fuerat, verè vitæ propagatio & conservatio comparabatur. Deinde non cohesura verba illa, Nunc ergo ne fortè &c. si Deus ex animo lo-

cusus non fuisset. Tamen si enim in hebræo simpliciter
 est veattah, id est Et nunc, rectissime tamen sim-
 plicem copulam hebræam ꝑ, quæ, ut omnes norunt,
 varias habet significationes, seu *maxis* aliarum par-
 ticularum, quibus hebræi non multum abundant,
 non raro vicem obtinet, illativâ, quam vocant, par-
 ticulâ Ergo, explicavit vetus interpretes, ut alibi se-
 pissimè fieri necesse est, præsertim cum jungitur, ut
 hic, adverbio Attah, ut exempli causa 1. Reg. 18. 19.
 ps. 2. 10. Cur enim illa verba præmisit Deus, Ecce
 Adam factus est sicut unus ex nobis, nisi ut
 causam afferret, quare illum ab esu arboris vite
 prohibere decrevisset? Nempe, quia cum boni &
 mali cognitionem adeptus esset, jam vel ejus arboris
 vim, vel saltem quanti ea vi facienda esset, quod
 prius ignoraverat, agnoscebat, & ob eam rem dubi-
 um esse non poterat, quin ex eius fructu in posterum,
 si sibi ejus rei facultas daretur, comesurus esset, un-
 de fieret, ut pœna mortis, quæ illi a Deo constituta
 fuerat, & quam eum subire Deus omnino volebat,
 vana esset. Sciendum est enim (quod rudiorum gra-
 tiâ dictum volumus) dictionē hebræam Pæn, quam
 vetus interpretes, ut serè solet, reddidit Ne forte, non
 semper esse dubitantis, sed sæpe nihil aliud signifi-
 care, quàm significet simplex particula Ne apud la-
 tinos. Exemplum, (ne longius abeamus) esto suprâ
 hoc eodem cap: in illis verbis mulieris Dei commi-
 nationem recensentis, Pæn-themüthun, Ne for-
 tē moriamini. Nam certum est Deum non dixisse,
 posse fieri ut morerentur, sed Adamo sine ulla
 dubita-

dubitatione ita locutum fuiſſe, Quacumque die comederis ex ea, morte morieris. Quae verba omnem dubitationem excludunt, praſertim ſi verba illa, Quacumque die comederis, ut nonnullis ſanctae linguae peritiſſimi viri placet, idem ſignificent, quod Certiſſimè ſi comederis. Quod ſi quis aliam quandam verborum Dei interpretationem ſequi velit, cauiſſe ſcilicet Deum, ne Adamus ex arbore vite comedere poſſet, ut vel in perpetuum, vel ſaltem quàm diutiſſimè in miſeriis illis, quibus eum ſubjecerat, vivere coactus non eſſet, quam interpretationem hic refellere non eſt opus, firmum tamen nihilominus id manebit, quod diximus, Non poſſe verba illa, Nunc ego ne fortè &c. coherere praecedentibus, ſi praecedentia non ex animo, ſed ex ignorantia dicta fuiſſe velimus. Nam iſta quoque interpretatione admiſſa, neceſſe eſt ut ſcientiae boni & mali, quam adeptus eſſet Adamus, non temere prius mentio facta fuerit, ſed vult ut indicaretur propter eam ſcientiam majus periculum eſſe, ne Adamus ex arbore illa vitali comederet, quàm eſſet antea, vel eam ſcientiam miſerias illas ita aucturam, ut bonum eſſet curare, ne infelix ille nimis diu vivere poſſet. At verò (excipiet aliquis) ironia eſt in illis verbis tantùm, Ecce Adam factus eſt ſicut unus ex nobis, non autem in ſequentibus, ſciens, ſive ad ſciendum bonum & malum. Ac ſi Deus dixiſſet, Ecce quia Adamus adeptus eſt cognitionem boni & mali, idcirco fortaiſſe, ut ſerpens illi praedixit, ſe mei ſimilem factum eſſe opinatur. Hac ver-

borum Dei sententia nullo modo esse potest, propter
 modum illum loquendi Ladaath, Ad cognoscen-
 dum &c. qui eam omnino respuit, & aperte indi-
 cat in quo consisteret jam revera illa similitudo, non
 autem caussam, ut eam consistere existimari pos-
 sit, de qua similitudine si per ironiam affirmatum
 fuit, per ironiam quoque id, in quo illa consisteret
 affirmatum fuisse necesse est. Verum ex animo, ut
 probavimus, id affirmatum fuit, Igitur ex animo
 quoque de similitudine illa est affirmatum. Postre-
 mō monendus est lector, verbum hebraicum Mim-
 mānna, quod verum est Ex nobis, verti quoque
 potuisse Ex ipso, sive Ex seipso, ut sit sensus, Ada-
 mum factum fuisse tamquam unum ex illis, qui ex
 seipsis, id est, nullo prae monstratore egentes, per se i-
 psos bonum & malum cognoscunt. Qui sensus pro-
 fectō peregregius est, adeo ut quamvis similis locuti-
 onis exemplum nobis non succurrat, & dura fortas-
 sis verborum cum structura tum explicatio videri
 possit, nosq; ii simus, qui insolentes & coactas ver-
borum interpretationes mirum in modum refugia-
mus, tamen, nisi relatio illa verborum Dei ad verba
 serpentis nobis decentissima & manifestissima vide-
 retur, ab hac interpretatione recessuri non essemus.
 Id sanē affirmare non verebimur, potius quā ut il-
 lam admittamus, qui vult Deum de seipso tantūm
 locutum fuisse, hanc nos omnino amplexuros. Nam
 si haec vim aliquam verbis afferre videtur, illa veram
 sententiam planē convellit, & Deum ingeni qua-
 dam hyperbole abs re uentem facit. Caterū si
 simpli-

ſimpliciter, ut quidem veriſimilius eſt cogitationem Dei, qui, videns Adamum boni maliq; cognitionem adeptum fuiſſe, ſtatuert illum ab eſu arboris vite penitus arcere, a Moſe verbis illis a ſe conſectis expoſitam fuiſſe dicamus, non autem ipſa verba Dei narrata, multò magis erit interpretatio iſtae repudianda, cum multò magis hoc loco de ſeipſo tantum, tamquam de pluribus, Deum loquentem inducere abſurdum ſit, quàm ipſum Deum ita verè locutum fuiſſe. Cur enim, ſerè ſemper Deus de ſeipſo tamquam de ^{tu} uno loquatur, & ſicubi numerum pluralem uſurpat, exiſtimari poſſit numerum pro numero poſitum fuiſſe, vel ea ratione ejus majeſtatem, & dominationem indicatam, qua nec lingue uſus, nec ratio refugit, aut aſpernatur, cur inquam hoc loco de ſe ipſo tantum tamquam de pluribus loquens induceretur, ubi nullo modo vel numerum uſurpatum eſſe, vel honoris gratiã id factum fuiſſe dici poteſt? At dicunt adverſarii, hoc eſt quod volumus, nam ideo id fecit Moſes, ut pluralitatem perſonarum in Deo evidenter indicaret. Nos verò id nequaquam credendum eſſe affirmamus, cum nullus locus ei rei magis ineptus excogitari poſſit. Siquidem angelorum reſpectu ita loquentem Deum inductum fuiſſe, omnes circumſtantie, ut ſupra expoſuimus, omnino ſuadent. Itaque Moſes nihil effeciſſet ejus quod cogitaſſet, & præterea valde imprudens eſſe deprehenderetur, qui nec ſeipſum expliciſſet, & ſine ulla cauſa, ut dici ſolet, calum terræ miſcuiffet. At verò, ſi Deum ipſum revera ita fuiſſe locutum ſtatuamus, ceſſans

hæc absurda, & rectè fecit Moses, qui rem, uti est, narravit. Verùm, ut diximus cogitationem Dei, non autem ipsa verba, & hic & alibi verbis suis Mosè expressisse, verisimile est. Et si verba ipsa expressit, cum propter circumstantias, tum ne Deum intempestiva illa hyperbole utentem faciamus, non secum de seipso tantùm, sed vel cum suis angelis, vel secum de iis quoque, qui unà cum ipso cælum inhabitant, locutum eum fuisse prorsus credendum est. Sed quid ampliùs in hoc adversariorum testimonio diluendo laboramus, cum Calvinus ipse ex eo nihil ad doctrinam de tribus in Deo personis statuendam elici posse ingenuè fateatur, ob eam causam, quod ipse Adam sub dictione illa Nobis comprehendatur? Quod etsi non satis feliciter ab ipso expressum fuit, idem est tamen vera, quod nos diximus de hyperbole illa. Sic enim argumentari voluit Calvinus, Adamus quasi unus ex illis, qui sub dictione Nobis comprehenduntur, factus fuisse dicitur, & inter illos jam numerari poterat: sed Adamum inter personas trinitatis numerari potuisse, & tamquam unam ex illis factum fuisse, planè absurdum est. Ergo ii, qui sub ea dictione comprehenduntur, non possunt esse personæ trinitatis. Sed, ut dictum est, non rectè quod sentiebat expressit Calvinus. Neque enim unquam verum erit, Adamum ipsum sub dictione Nobis comprehendi, cum illis, qui sub ea comprehenduntur, similis factus dicatur. Nec verò, etiamsi velimus similitudinè particulam pro veritatis significativa, ut sapius in lingua sancta fieri solet, hoc loco accipiendam

endam esse, ita ut perinde sit, ac si dictū foret, Ecce Adam factus est unus ex nobis, sub dictione tamen Nobis verè Adamus ipse comprehensus fuisset, cum ii, qui sub ea dictione comprehenduntur, tamquam distincti ab ipso Adamo, & qui jam essent antequam is ex eorum numero fieret, in illis verbis considerentur, quamvis postquam ipse quoque ex eorum numero factus fuisset, si quis ex illis, nulla antecedenti temporis ratione habita, Nos dixisset, Adamum quoque eum intellexisse necesse esset. Hac autem non idcirco a nobis dicta sunt, ut Calvinum fugillemus, sed ut ejus verba interpretemur, & tam insignem adversarium nostrum nobiscum, hac in parte, facere demonstremus, ut, si qui sunt qui ratione ipsa nondum moveri possunt, auctoritate fortasse ejus viri moveantur, & coactas sacrorum verborum interpretationes, immo absurdas atque perversas, quas nobis adversarii opponere solent, detorsiones, eo ipso duce aliquando agnoscere incipiant. Hac erant, que ad probandum, in scriptura unum Deum nostrum plures esse indicari, afferi posse videbantur, & idcirco ab adversariis, ad pluralitatem personarum in una Dei essentia confirmandam, congeri consuevere. que quantum ponderis habeant, unusquisque ex iis, que a nobis dicta fuerunt, facile dijudicare potest. Quare jam ad alia transeamus.

Sunt autem ex ordine nobis proposito ea testimonia afferenda & diluenda, quibus adversarii non pluralitatem modò, sed etiam ipsam trinitatem personarum in uno Deo probare contendunt, id est, eas

personas, quas plures in Deo esse affirmant, numero tres esse. & quamquam ea ejusmodi sunt, ut quilibet per se nihil ad rem pertinere perspicere possit, est tamen adversariis hac etiam in parte satisfaciendū.

Primo igitur, ad id probandum assertur historia de tribus viris, qui Abrahamo apparuerunt Gen: 18., qui tres viri Iehova esse dicuntur. Siquidem scriptum est, in ipso initio capituli, Iehovam Abrahamo apparuisse. Quod paullo post ad hunc modum explicatur: Ecce tres viri stabant juxta eum. Quid autem ad triplicitatem personarum in uno Deo significandam aptius dici potest? Agnovisse autem ipsum quoque Abrahamum tantum mysterium ex eo patet, quod eos tres viros singulari numero compellavit. Nam posteaquam adorasset, dixit: Domine, quaeso, si inveni gratiam in oculis tuis, &c. Hec est, aut esse deberet adversariorum argumentatio ex hoc loco. Pro responsione animadvertendum est, dictum quidem fuisse Iehovam apparuisse Abrahamo, idque postea ita explicatum esse, Ecce tres viri &c. non quia illi tres viri simul in ea apparitione Iehova personam sustinerent, sed quia, is qui tunc Iehova personam sustinebat, duobus aliis committatus apparuit. Itaque, cum is alius praecelleret, dixit Abrahamus numero singulari, Domine &c. sic autem rem se habere id aperte ostendere videtur, quod discedentibus duobus ex illis, & uno remanente, qui remanet Iehova nomine appellatur, cum quo Abrahamus tamquam cum Iehova loquitur, & salutem Loti sui longo verborum circuitu tacite procurat.

*rat. Quamvis enim dicatur in hiſtoria viros illos jam
 abiſſe Sodomam, non omnes tamen, ſed duos tan-
 tummodo abiſſe demonſtrat initium cap. ſequ., ubi
 ſcriptum eſt, Venerunt duo illi Angeli Sodo-
 mam. Cum igitur in ea narratione dicatur: Et
 converterunt ſe viri illi, & abierunt Sodo-
 mam. Abraham verò adhuc ſtabat coram
 Iehova, qui eſt qui diſcrimen manifeſtum non vi-
 deat, inter eum qui remanſit, & eos qui abierunt,
 in Iehova perſona ſuſtinenda, cum hi Angeli, ille
 verò Iehova nominetur, ut ex verſu quoq; 27. cap:
 ſeq. apparet, & manifeſtè hac ratione ab illiſ di-
 ſtinguitur? Quamobrem mirum videri non debet,
 ſi Abrahamus tamquam illum unum allocuturus, ab
 initio non plurali numero, ſed ſingulari eſt uſus. Sed
 quid ſi concedamus omnes æque Iehova perſonam in
 apparitione illa ſuſtinuiſſe, & coram Iehova ſtetif-
 ſe Abrahamum dictum fuiſſe, non quia angelus ille,
 qui remanſit duobus aliis præcelleret, ſed quia qui vis
 ipſorum Iehove nomine appellari poterat, & idem
 eſſe quòd ſteterit Abrahamus coram Iehova, ac ſi di-
 ctum eſſet, ſtetifſe eum coram angelo uno, qui ex illiſ
 tribus remanſerat? Certè non propterea quidquam
 evincant adverſarii, cum trinus ille numerus, non
 tam trinitatem perſonarum in una Iehova eſſentia
 arguere, quàm aliud quiddam demonſtrare poſſit,
 ut mox dicetur, & Abrahamus tres illos viros allo-
 quens ſingulari numero uti potuerit, non propter oc-
 cultum aliquod myſterium, ſed quia ſic, quamvis
 cum pluribus ſit ſermo, loquendi interdum mos eſt*

in hebraea lingua, si plures illi simul sint, & quodammodo personam unam sustineant. Nam Lotus quoque cap. sequi: v. 19. duos illos angelos alloquens dixit: Ecce nunc invenit servus tuus gratiam in oculis tuis, quod tamen ad trinitatis mysterium, cum duo tantum essent, nec tertium cum illis antea fuisse sciret Lotus, referri nequaquam potest. Et 1. Sam: 9. v. 12. puella illa Sauli & puero ejus interrogantibus, num eo in loco esset Videns, id est Prophetas, responderunt, Est, en ante te, Nunc ergo festina &c. Quod enim cum utroque loquerentur, manifestum faciunt sequentia verba: Cumque ingressi fueritis civitatem, illico invenietis eum. Et postmodum, Nunc igitur ascendite, quoniam hodie invenietis eum. Cur autem tres fuerint illi, in quibus Iehova Abrahamo apparuisse dicitur, potest haec valde probabilis causa reddi, quod tria a Deo essent facienda, unum annunciare Sarae, quod conceptura & paritura esset filium, alterum Lotum ex Sodomae civitate educere, & liberare, tertium ipsam Sodomam evertere, ac delere. Et sane si trinitatis mysterium eo trino angelorum numero indicatum fuisset, numquam duo illi a reliquo tertio se separassent, sed semper omnes conjuncti fuissent, praesertim si pervulgata regula illa adversariorum vera est, opera Trinitatis ab extra esse indivisa. Non erimus autem in testimonio hoc diluendo longiores, cum praestantissimi ex recentioribus, qui nobis adversantur, eius infirmitatem agnoverint, inter quos praecipue sunt Lutherus, Calvinus, Musculus, &

lus, & Borrhaus. Nam, ut reliquorum verba non recenseamus, hæc sunt a Calvino in hunc locum scripta. Quòd autem patres hinc Trinitatis, & unitatis mysterium eliciunt, frivolum est, & fan- nis, calumniisq; obnoxium.

Secundò, ad hanc personarũ trinitatem in u- na Dei essentia confirmandam, affertur in clamatio illa Seraphim apud Esaiam cap: 6. v. 3. Sanctus, sanctus, sanctus Iehova exercituum, cui simi- li est illa quatuor animalium Apocal: cap: 4. v. 8. Sanctus, sanctus, sanctus dominus Deus om- nipotens, qui erat, & qui est, & qui ventu- rus est. Cur enim (inquiunt) cum ad unum Deum hæc referantur, & de uno tantum Deo dicantur, ter epithetum sanctus repeteretur, nisi in uno illo Deo tres essent personæ? Atqui nos profectò non possumus satis mirari, adversariorum, ut leviter dicamus, has in re levitatem. Siquidem hæc trina repetitio non admodum infrequens est in sacrũ litteris, sine ulla a- licuius trinitatu, nedum trium ὁ ὅσος ἁ ἁ ὁ ὁ, signi- ficatione, sed tantummodo perfectionis cuiusdam & incrementi causa. Certè Vatablus in eo loco Deut: 10. v. 14. Ecce Iehovæ dei tui [sunt] cæli, & cæ- li cælorum, annotat, eandem vocem ter repetitam esse incrementi causã. Cum apud Hieremiam Deus dicit: Nolite confidere in verbis mendacii, dicendo, Templum Iehovæ, templum Ieho- væ, templum Iehovæ sunt, quĩ apertè non vi- det, ter idem dictum fuisse majori & absoluta asser- tionis gratiã? Quamvis enim Vatablus asserat ibi

90 Ad argumenta pro Trinitate
sententiam (ut arbitramur) Rabi David Kimchi,
que est, id factum esse propter vestibulum, tem-
plum ipsam, & aditum, non credimus tamen Vata-
blum eam comprobasse. Sapit enim hoc omnino (pa-
ce illius tanti Rabini dictum volumus) judaicam, in
explicandis sacris literis, superstitiosam & imperi-
tam curiositatem. Quid, cum apud eundem Hiere-
miam ad finem cap. 22. legimus; O terra, terra,
terra, audi verbum Jehovæ, num ibi quoq; a-
liquam terra triplicitatem significari dicimus? aut
cum apud Ezechielem cap. 21. v. 27. dicit Deus de
corona regis Sedechie, sive ipsius regni Iudæ: Obli-
quam, obliquam, obliquam ponameam, ad
quasdam incertas & ineptas de triplicitate aliqua
in obliquanda seu pervertenda corona illa recurre-
mus, & non potius, ut loquentium usus, & ratio ipsa
aperitè docet, maximam ejus futurae obliquitatis as-
severationem, obliquitatisq; ipsius magnitudinem a
Deo decretam agnoscemus? Est autem ternarius nu-
merus perfectioni cuidam indicande aptissimus, &
idcirco que ter repetita sunt, perfecte, ac plane in-
dubitanter affirmata censentur, & simul in suo gene-
re perfecta indicantur. Ratio est quia ternarius nu-
merus primus est omnium, qui initium, medium, &
finem habeat. Vnum enim in numero ternario prin-
cipium est, Duo medium censei debent, tria verò
finis, sive, ut apertius loquamur, prima unitas prin-
cipium, secunda medium, tertia finis. Hinc factum
est, ut, & apud sacros & apud profanos scriptores,
multa ter facta legantur. Atque, ut profanos missos
facta-


faciamus, ex quibus innumera exempla peti possent, legimus apud Iohānem cap: ultimo, Dominum Iesum ter a Petro quasiisse, num se amaret, & ter illi dixisse ut pasceret agnos, sive oves suas. Nam si quis hoc ad trinam illam Petri negationem respicere dicas, de quo tamen nihil apparet, dicimus in ipsa Petri negatione, ternarium illum numerum extitisse non aliam ob causam, quā ut is, qui, etiam si oportuisset se mori, numquam fore ut magistrum & dominum suum abjuraret, nimis audacter affirmaverat, perfectè imbecillitatem suam agnosceret. In illa ejusdem Petri visione, qua Dominus illi ostendere voluit, Gentes quoque participes Evangelii gratiæ Dei fieri debere, & a Dei populo non ampliùs excludendas esse, ter idem factum est, non quidem propter aliquod latens mysterium, sed ut Petrus rem sic se habere penitus persuaderetur. Paulus cum Dominum ter rogasset, ut ab se angelus ille Satane discederet, postea quievit. Ipse Christus ter Patrem rogavit, ut si fieri posset, transiret a se calix ille, deinde ab orando cessavit. Longum esset si ex sacri litteris omnia proferre velim, que huc pertinere possunt, & unusquisque per se ea facillè observabit. Videat tamen lector hos locos Num: cap: 22. v. 28. & 32. & cap: 24. v. 10. r. Sam: 3. v. 7. & cap: 20. v. 41. 1. Reg: 18. 34. Prov: 22, 20. Ezech: 21. 14. Iob: 21. 14. 2. Cor: 12. 14. Verùm dicet aliquis, in eo loco Apoc: cap. 4. 8., in Complutensi editione novies vox Sanctus repetita est. Ex quo apparet, ter, perfectionem illam & incrementum quod ternario numero

mero continetur, exprimi debuisse, nimirum, ut unicuique Trinitatis personae sua integra & absoluta ὁμολογίᾳ constaret. Respondemus primum, Complutensis editionis auctoritatem non tanti esse, ut ceteris omnibus anteponi debeat, in quibus summo consensu ter tantum id nomen eoloco legitur. Deinde dicimus, novenam illam repetitionem absolutissimum quoddam incrementum continere ter ternario numero repetito, qui numerus per se, ut dictum est, perfectionem quandam significat, & quo incrementi causa uti solent sacri scriptores. Addimus praeterea, ex hoc ipso Apoc: loco vanitatem argumentationis adversariorum aperte constare, siquidem ea ὁμολογίᾳ ad patrem solum refertur, qui toto eo libro cum nomine Dei distinguitur a filio, tum vero nomine ejus qui est, qui erat, & qui venturus est, ab ipso evidenter separatur, ut videre est cap: primo, ubi precationem gratiae & pacis a Iesu Christo, a precatione earundem rerum ab eo qui est, qui erat, & qui venturus est, manifestè Iohannes distinguit. Atqui ea ὁμολογίᾳ, & Deo, & ei aperte tribuitur qui est, qui est, & qui venturus est, qui etiam omnipotens appellatur, eodem scilicet nomine, quo idem qui est, qui erat, & qui venturus est, cap: primo ver: 8. appellatus fuerat, quam appellationem propriam patris in primitiva ecclesia fuisse indicat symbolum, quod apostolorum vocatur, ubi soli Deo patri id epitheton tributum fuit. Itaque apparet locum istum, etiam Complutensi lectione retenta, non modò adver-

adverſariorum argumentationem non juvare, verum etiam eam funditus delere, cum de una tantum persona ter, ſive etiam novies, id eſt tribus vicibus ter idem dictum fuerit, interpretationem verò noſtram, & ſententiam de numero illo ternario mirificè confirmare. Ex qua interpretatione & ſententia noſtra, credimus abunde reſponſionem colligi poſſe ad omnes hujusmodi locos, qui ab adverſariis proferri aut ſolent aut poſſunt, in quibus triplicitati alicujus mentio fiat, que ad Deum quoquo modo pertineat. Inter quos valde inſignis eſt ille Dan: 9. 19. Domine audi, Domine propitius eſto, Domine attende, & fac, & ne moreris, propter te Deus meus &c. ubi manifeſtè unus Deus ter Domini nomine compellatur, quod non modò ad perfectionem quandam illius preceationis pertinet, non autem ad perſonarum aliquam in Deo triplicitatem, ſed etiam idcirco factum eſt, quia per tres quosdam gradus eò, quò contendebat, aſcendere ac pervenire voluit Daniel. Primum enim orat Deum ut audiat, deinde ut miſericordia moveatur, poſtremò ut reiſa jam opem ferat, neque amplius moretur. quod poſtremum id revera erat quò expetebat, & a Deo precibus quodammodo extorquere aggreſſus fuerat. Nam quid attinet ad ea teſtimonia reſpondere, ubi de Deo nihil dicitur, quale eſt illius loci Eccles: 4. 12. Funiculus triplex difficilè rumpitur? Quem tamen Lyranus ipſe afferre non dubitavit. Quo nihil inſulſius, aut ineptius fieri potuit, cum manifeſtum ſit, nihil aliud eo loco ſibi Solomonem voluiſſe, quàm

non bonum esse ut quinquam sit solus, sed prestare unum atque alterum socium sibi a jungere. Non longe ab hac eadem culpa abesset, si quis ad istam personarum in uno Deo trinitatem probandam aliquid momenti habere crederet, quod arca Noë tribus tabulatis, sive contignationibus extructa fuerit, & quod in templo illo Ezechieli per visionem ostenso, Gen: 6. v. 16. atriola quadam & cellule tertio numero sive ordine Ezech: 40. v. 10. essent, et si qua sunt hūc similia, quorum locorum testimonii diluendis, præsertim cum, ut dictum est, de Deo ibi nulla mentio fiat, ad quem triplicitatem illam respicere appareat, tempus insumere supervacaneum, atque adeò inutile omnino esse duximus. alia potiora ad trinitatem ipsam simplicem personarum in uno Deo confirmandam nulla, quod sciamus, ab adversariis proferuntur. Quare jam de aliis controversie capitibus agamus. Sequitur autem, ut ea testimonia examinemus, per quæ omnino probari contendunt non modo plures, easq; tres in uno Deo esse personas, verum etiam has patrem, filium, & spiritum sanctum esse.

Cætera desiderantur.



91

IN THESES DE TRINITATE
CLAUDII ALBERII TRIUNCURI-
ANI, NOTÆ F. SOCINI SENENSIS,
Scriptæ in gratiam N. N. Regis Gal-
liarum ad Principes Germaniæ
legati.

Iob: 1 v: 15. Ante me factus est, quia prior me
erat.) *Rectius sensum aliquando in sua trans-
latione sic expresserat Beza, Mihi prælatus est,
quia præstantior me est. In priore membro ha-
bet Beza ad stipulatores, non modò quos ipse in suis
annotationibus citat, Chrysostrum, Augustinum,
Cyrillum, sed omnes, arbitror, paullo eruditiores. In
posteriore verò non est cur habere non debeat, cum
verba ipsa id ferant, & infirmissima alioqui sit ratio
ista, quia prior me erat, si de prioritate temporis
id intelligatur, immo indignissima que asseratur. &
planè ridicula. Adde, quòd v: 27, ubi membrum hoc
posteriorius desideratur, videtur omnino ejus loco posi-
tum fuisse, Cujus non sum dignus &c. Cæterùm
si quid scrupuli adhuc restat, ad illud eximendum
consule Bezae annotationes.*

Gen: 1 v: 23. Faciamus hominem &c. In o-
mni fortasse lingua obtinuit, ut cum aliquis seipsum,
quantumvis solum, ad aliquid faciendum adhorta-
tur, vel se facturum decernit, si id efferat, ut per sub-
junctivum modum græcè aut latinè enunciari debe-
at, numero plurali utatur; ut apud Livium lib: 39. An-
nibal venenum spòte haustus, liberemus, inquit,
diuturna cura populum Romanum,

Gen: 3. v: 22. Adam factus est sicut unus ex nobis. Vox nobis eos unà cum Deo complectitur, qui cum ipso in cœlo habitant, vitamq; celestem & immortalem degunt. Nam simplici etiam Dei vel Iehovæ nomine, huiusmodi ejus cohabitatores aliquando intelliguntur. ut Psal. 115. v: 16. cœli cœlorum Iehovæ, terram autem dedit filiis hominum. Ad hæc locus ex hebræo sic verti potest, Ecce Adam factus est sicut unus ex seipso sciens bonum & malum.

1. Cor: 10. v: 2. Item, quod sumus baptizati in nomen Patris &c. Israelita dicuntur a Paulo baptizati in Mosem. Itaq; possunt similiter Christiani baptizari in filium Dei, quamvis filii Dei actiones non sint simul naturâ cum Dei actionibus, quemadmodum nec Moſis actiones fuerunt simul naturâ cum actionibus Dei; in quem (tamen si id Paulus non exprimit) baptizatos eodem tempore, quo in Mosem Israelitas fuisse, nemo, arbitror, negaverit. Adde, quod alibi expressè creatura cum Deo simul junguntur, in actionibus sive hominû erga Deum, sive Dei erga homines, iusq; maximè, & quibus divinus cultus continetur. Exempla habes Exo: 14 v: 31. Iudic: 7. v: 18, & 20. 1. Sam: 12. v: 18. De spiritu sancto nihil attinet respondere, nisi prius probetur, eum esse personam a patre, & sic ab ipso Deo, cujus est spiritus, distinctû, id quod numquam fiet. Sed etiam si fieret, iam ostensum est, ex eo, quod in ipsum. seu in nomen ipsius, eodem tempore, quo in patris nomen baptizemur, nihil posse colligi de ipsius actionibus naturâ cum patre communibus.

Si ὁ λόγος & spiritus essent creaturæ tantum, vis τῆς λόγος filii Dei, & vis spiritus sancti non pertineret retrò, &c.

Tametsi hic merito negari potest consequentia; tamen hoc omisso, dico, nos non concedere assumptionem, quod ad τὸν λόγον attinet, τοῦ λόγος scilicet vim retro pertinere, &c. Videbitur hoc durum; sed disputatione, ni fallor, mollescet. Spiritum sanctum nos creaturam non facimus, si in potiore significatione accipiatur, sed tantum negamus, eum esse personam ab ipso Deo seu Christi patre, cujus spiritus est, distinctum.

Neq; ὁ λόγος esset ille πρῶτος κινῶν, &c. Vbi probationes hujus rei, sive ex Aristotele, sive aliunde afferentur, & simul probabitur, Dei filium esse istum λόγον, tunc, Deo juvante, respondebimus.

Quantum ad id pertinet, quod in isto scripto dicitur, ἐνωσις ὑποστατικὴν duarum naturarum in Christo non esse ἐκ τῶν ἀδυνάτων, &c. opus esset scire, quibus rationibus moveatur scriptum illud ad hoc asserendum. alioqui ad istas responderi nequit, quæ fortasse (nisi ego fallor) fallaciam ignorantis Elenchi continent. Adde, quod instantia de anima & corpore in homine, nihil solidi habere potest, cum nondum, neq; apud philosophos, neq; apud theologos liqueat, quid & qualis sit anima humana.

Ἐξ ἧς

G

Qua

Quæ sequuntur alibi ponenda fuerant: sed quia diligentiam nostram, cum àlia Socini fragmenta ederemus, effugerant, ne perirent, hîc apponenda censuimus.

Marci 16. v. 15, & 16. *Ite in uniuersum orbem, prædicate &c.*


Quemadmodum ii qui parent legibus politicis, quamvis rectè faciant, nihil tamen merentur, quia id, quod debuerant facere, fecerunt; qui verò non parent, non solum malè faciunt, quia id non fecerunt, quod facere debuerant, verum etiam meritiò puniuntur: Sic ii, qui diuinis legibus parent (si rem ipsam per se, diuinis promissionibus seclusis, considerare velimus) nihil merentur, etiamsi illi qui non parent, nullis quantumvis propositis pœnis, puniri tamen jurè possunt.

Hinc fit, ut perspicuum cuiuslibet esse possit, non esse eandem rationem præmiorum & pœnarum, & posse quempiam optimo jurè ob id puniri, propter cuius contrariū nullo præmio omnino affici mereatur.

Quare non mirum est, quòd etiamsi nihil mereantur omnia bona opera nostra, seu quicquid boni a nobis proficisci potest, præsertim quòd ad hoc attinet, ut nobis Iesu Christi evangelium prædicetur; possunt tamen nostra mala opera esse causa, ut nobis, licet antea promissum, prædicetur.

Et idcirco, quia uiuimus idem Iesu Christi evangelium,


lium, ex promissione divina debuisse omnibus prorsus nationibus predicari; tamen propter mundi peccata, merito fieri potuit, ut plerumque mundi nationes illud sibi predicari non audiverint, etiamsi ille, quibus predicatum fuit, ut sibi predicaretur, propter nulla sua bona opera merite fuerint. Vide autem Hierem: cap: 18. ut intelligas, Deum promissa sua, propter eorum quibus promissit peccata, revocare.




Errata graviora sic corrige.

Pag:	lin:	Errata	Corrections.
17	18	reperientur	reperirentur
18	19	nostra legentibus, hæc	hæc nostra legentibus,
22	12	quæcumq; fecerit quæcumq; e. ille fecerit	
28	29	offusione	effusione
35	2.	in margine Deut: 5. v. 5.	
33	17	illū	illi
36	7	hic nonnulla desiderantur. tale autem aliquid post verba, quorum mediator est, deesse videtur, naturam participare debet, ad id nulla ratione &c.	
39.	19.	penitus,	fortassis penitiūs
41.	7.	desiderantur, dele	desiderantur

Pag:	lin:	Errata	Correctiones.
51	1	elegentiã	elegantia
	6	nostris	nostris
56	1	E si	etsi
59	4	perfecto	profecto
	6	fiat	fiat
62	22	creditus	credetis
	27	illud,	illud?
80	23	Ne forte	Ne forte
81	14.	Nunc ego	Nunc ergo
	19	sed vult	sed vel
83	10	post Cur enim, videtur addendum, cum	
	17	numerum usurpatum	numerum pro numero usurpatum





Biblioteka Jagiellońska



stdr0010378

